


石
綠
萃
錄

光緒甲辰
澄蘭室石印

C. T. LOO & CO.
41 EAST 57th STREET
NEW YORK, N. Y.

NO. 536
HGT. 6 vol.
LENG. _____

MADE IN CHINA



Digitized by the Internet Archive
in 2016

古
緣
焚
錄
一
十
八
齋

光緒甲辰孟夏中浣

息齋題



澄蘭主人輯
錄付上海鴻
文書局石印





齊梁以來品藻書畫代不乏人然多論說非攷
訂也有明張氏朱氏始舉廓例分別紙素臚
列印章洎乎我

朝石渠寶笈鴻編斯備尺度位置纖屑靡
遺其私家所記則江邨高氏寶先河烏同里
邵編修伯英夙擅辭翰尤精鑒別爰自唐宋
迄乎當代凡書畫名跡收度數十百種益以婦
翁楊公舊儲最而錄之為書一十六卷命曰古
緣萃錄夫緣之為說肇自佛乘摺之不來麾

之不去適然而合歟然而離是名前緣以是因緣
歷無量劫是名種緣編修有真性情有真
識力千載名流精神未散所謂前緣者非耶
夫西垣圖籍遭寇警而飄蕪東瀛古書日變
法而捐棄編修高卧滄江虹月無恙摩挲珍
護与古為新抑又所謂種緣者已蒙也不學
夙嘗者此然而食無餘資居無定宇置几格
於藩溷之前委光鑄於僕隸之手其於緣也正
在有無聞耳書此以博一笑光緒癸卯除夕同餘記

憶三十年前侍外舅瓶麓齋中論書畫外舅云筆墨為古人精神意興所寄我于千百載後得之如與古人相對緣也得之必什襲珍之為愛護數十年之緣也吾老矣與汝有緣其為我藏之外舅既歿瓶麓之物遂悉歸吾齋復益以三十年来所得不下數百十種因念此緣正復不淺豈可使後人一無所徵乙未歸田掩關謝客迺取兩家所藏仿江邨消夏錄輯為是編忽之脫稿又八年矣今夏手錄成帙顏曰古緣萃錄嗟乎人之嗜好各有不同緣之淺深因之亦異有緣而聚緣盡而散此常理也吾之斯編將與古人結不解之緣亦欲使吾兩家千百載後其

緣永：不解云爾光緒癸卯六月息盦自序



澄蘭室古緣萃錄卷一

古虞 邵松年 輯

唐

唐經生書大般若波羅蜜多經卷

紙本高六寸七分長二丈五尺八寸原為經冊後改裝卷都
四百七十三行二十七字首題大般若波羅蜜多經卷第三
三百六十三尾同當是一卷中缺与否未考前後無題識与
收藏印殆由古剎流使未經多人目觀余十餘年前得之楊
君守敬詢由東洋購來有六七卷函縣王可莊前輩得一与
有魯公筆意此与多歐褚法是唐人寫經本色餘數卷均不
逮此。尺寸用蘇裁尺當漢建初尺一尺三寸五分當今工
部營造尺一尺一寸一分

唐經生書大般若洹經冊 瓶簾堂舊藏



紙本十五開又半每開二頁得三十一頁頁高六寸六分闊
三寸四分六行行十七字都一百八十三行首題大般若泥
洹經長壽品前有玉蘭堂圖書記南海葉氏雲谷家藏印未
有周亮工潘仕成等四印墨色精瑩筆法古厚是唐經生家
寫經中之極謹嚴者紙色甚舊尤足珍愛
晉人書不可得見見唐宋名蹟學之尚可識古人用筆之法
此卷皆常州善權寺所藏唐末人書八法全具精心習其點
畫何患不名世耶 用錫題 徐用錫印
晚唐經生多佳手此冊尤樸質古厚可寶也 海上山人張
岳崧題

唐經生書其字體雖千手一同而筆法有極佳者亦名後類
歐諸大家得來此冊絕似魯公小字麻姑仙壇記字如指頂
大者徐壇長以為八法全具信然 振甫

宋

蘇東坡書和陶靖節歸去來辭卷 瓶麓齋舊藏

紙本高一尺五寸二分長三丈二尺一寸許都八十四行行
四字正楷字三寸許題款十六行五字帝六接有丹邱生
隸書陶顏後身四字題首又小字至正九年秋九月廿六日
奎章閣監書學博士臣柯九思審定蘇文忠真蹟奉勅題首
前鈐奎章閣寶在上角又有胥山樵及西京口氏家口兩印
尾下角有羅六湖家藏印項氏口書畫口及胥山樵三印紙
色光瑩墨氣濃厚至其魄力沈雄筆情豪放直入魯公之室
間有數字偶露本色尤覺姿態橫生固非文忠不辨

歸去來子吾方南遷安得踈卧江海之瀕洞弔鼓角之悽悲點
泥蟠而愈深時電注而莫追懷西南之歸路夢良是

應脫而字覺非

悟此生之何常猶寒暑之異衣豈襲裘而念葛蓋得痛而喪微

我歸甚

脫一字

匪馳匪奔俯仰還家下車闔門藩垣雖闌堂室故

存浥我天醴注之窪尊飲月露以洗心餐朝霞而眩顏混客主

以為一婢婦姑之相安知盜竊之何有迺扃門而折闕廓園鏡
以外照納萬象而中觀治癘井以晨汲瀟百泉之夜還守靜極
以時作自爵躍而鯨桓歸玄米兮請終老于斯游我先人之故
廬復舍此而烏求均漢南與漠北竭往來而無憂畸人告予以
一言非八卦與九疇方飢須糧已濟無舟忽人牛之皆喪但喬
木與高邱驚六用之無成自一根之反流望故家而求息曷中
道而三休已矣乎吾生有命歸有時我初無行亦無留駕言隨
子聽所之豈以師南華而廢從安期謂易稼之終脫一遂不溉
而不耔師淵明之雅放和百篇之新詩賦隸來之後引我其後

身蓋無疑 予久有陶彭澤賦歸去來辭之願而未能茲復有
嶺南之命料此生難遂素志舟中無事倚原韵用魯公書法為
此長卷不過暫舒胸中結滯敢云与古人并駕褰區也耶 東

坡居士軾并識

瞻子

右蘇長公和陶淵明歸去來辭大楷巨卷滴近二尺長約四
丈運用已意結體採摘魯公筆法側勒弩趯榮掠啄捺毫無
遺憾而仙骨姍姍直能駕乎魯公之上可謂學書者階梯本
長公自書于舟中後為康節邵先生家藏傳至陳郡殷氏後
又為胥山樵王粹明所有不知何時歸元天府前有柯丹邱
奉勅題首明末歸于項氏余巡撫姑蘇不惜千金購而得之
遂命良工重裝交付鈞光收藏垂諸子孫世寶重後之好
者雖以十五城酌不可易也 商邱綿津山人宗華識于姑

蘇官署

宗華
之印
仲牧

道光癸卯立夏後一日蕭山湯金釗觀

湯金
釗印
輔

是卷潘德畬方伯与余同官比部時曾模刻作挂屏八幅京中拓者甚衆道光乙巳七月初二日羅天池誌于滇垣行館

又陳孝思吳其濬李煌三跋未錄

按此卷結構魄力證以帝墨其為長公真跡無疑惟商邱一跋筆力細弱殊覺可疑即前丹邱生後上題首六之精采且如此巨迹宋元以來豈更無一人題跋恐是作偽者鈎摹一贋本將真跋割去附後以欺人此真本州略系以一跋謂真識者必有以辨之也是當有一贋跡真跋卷在世间姑記于此俟嗜古者攷證之 宗跋中謂後歸康節邵先生不知何徵

郭河陽谿山清趣圖卷 瓶麓齋舊藏

絹本高一尺三寸五分長一丈一尺八寸五分峯巒深厚林木交加雖設色濃重年久微覺黝暗而精神不減何跋謂山樓野店人物舟車無不精備誠世間罕見之品也前後三印一姚鼐餘不可識辨跋帝上有方貞觀宋定姚鼐汪遲雲印寶雲山農快雪堂圖書印共五印款在卷尾上角

郭熙 艸書無印章

河陽畫點有秋山平遠園東坡山谷兩先生為之題詠盛傳
海內吾耳熟已久猶未及見茲幸見此長卷觀園中所作邱
壑皴如卷雲悉以濃重之筆為之凡林亭棧道山樓野店人
物舟車無一不極其精備展玩注復足眩閱者之目其妙處
如入山陰道上領賞不盡誠是河陽畫點之可信者無疑矣
人傳河陽畫世已艱得今此卷歸吳東伯家洵稱得所乃知
神物終不秘隱亦由東伯好古不倦有以致之也 正德十
二年夏四月六日何景明拜題 惺惺

郭公耆年胸次閒落筆益壯塗谿山江楓古木助幽致崇巖
翠岫橫雲間絲毫矮帝境寒遠寂江天秋欲晚板橋漁舸
繞清波山閣林亭依絕巘公雖兩髯皓如霜至今畫筆稱河
陽幽齋高卧得把玩滿眼山色兼湖光余為嗟賞至竟日欲
尋遺憾無毫髮矣時小隱畫中山洗滌虛懷樂泉石 題河
陽山水卷用東坡韻 鶴巢張樾 張樾

重筆濃皴老更奇層峯疊樹離山翁鎮日彈無事宗坐
茅亭清話時 霜染楓林葉漸丹危樓棧道倚晴巒續紛景

物難摹繪只許牕前靜裏看 野店溪橋遠近聯車塵旅迹
逐風烟幽閑孰似漁人樂知有生涯在釣船 河陽妙法本
營邱萬里溪山筆下收清賞幾時猶未已香林卷展豁雙眸
昔人評郭熙畫多摹李成其所作山水巖岫巉絕峯巒秀
峙長林巨木回溪斷崖雲烟變滅腌靄之間獨步一時予心
企二十餘年猶未覩其迹也曩在都門偶見熙一小幅繼又
聞予社友菊士以重貲購得此卷回再三致函借歸薰沐長
跪啓卷迴環審視知是熙之真迹至其執筆學之精年愈老而
筆愈壯可謂業隨年進予得覽賞弥月足慰二十餘年渴想
喜成四絕書以還之 東井 項氏
畫前絹上有嘉定錢坫拜觀六篆字後有蘭石先生跋云載
之大兄寶此有年京師友人作畫會曾以此冠辛卯正月十
五日莆田郭尚先拜觀彛識 石辨
溪山清趣四字無徵卷面有楊沅為載之有道題簽如此因
仍之 張鶴巢項東井詩跋中似俱定為老年之作亦不知
何據

米南宮書多景樓詩冊

紙本十開又半每開高八寸五分闊一尺三寸三分觀帑不計開四行：二三字不等都三十五行題款六行印章纍：竄著秦檜秦熈左史江氏黔甯王子：孫：永保之訖南將軍圖書沐璘廷章公餘清玩儀周鑑賞安岐之印曹溶鑒定書畫印大名成氏象賢堂珍藏圖書印古林心賞梁清標印皇十一子成親王詒晉齋圖書印等印曾入 御府冊前有五福五代堂古稀天子寶八徵耄念之寶首頁有乾隆御覽之珣石渠寶笈乾隆鑒賞三希堂精鑒璽宜子孫五璽末頁有古希天子一璽殆是賞給成親王後遂流落人間頁後有成郎嘉慶十年吳人湯錫榮勒石數小字知曾入石而未見搨本是冊筆法極為縱逸而駁利中無一筆不沈著空靈具見頓挫起伏之妙方知石刻中全以敲側取勢者不足見末老之真面目也益歎摹勒能具古人之規模不能傳古人之精神非得墨迹何由見古人用筆之妙耶

華胥兜率夢曾游天下江山第一樓丹：明廷萬靈入迤：溟海六龍愁拍分塊北方興露頂矗昭回列緯浮衲子來時多泛

鉢漢星歸未覺經牛雲移怒翼搏千里氣霽剛風御九秋康樂
平生追壯觀未知席上極滄洲 多景樓禪師有建樓之意故

書 無印

昨日元度座上見襄陽米元 所題多景樓詩不獨仰其翰
墨尤服造語之工真可目之三 絕崇甯元禪清明前一日劍
川何執中謹跋

多景樓第一之勝非第一流人品題不能極其妙米襄陽宗
史稱其風神蕭散音吐清暢其書則沈著飛翥為詩尤奇峭
荆公嘗謔其句書扇上東坡亦喜譽之見重於當時如此是
必書于潤之致爽軒者何太傅目為三絕信非溢美惜昇僧
舍馴致淪落後為檜燬父子所藏陸沈悠久天發其祕永樂
辛丑素軒沐公自滇來朝北京得而寶之解齎見示觀其起
邁不凡令人痛快真所謂天馬脫銜者於孝忠孝世家物類
斯感奇蹟逆氣翕然有歸視昔之損獲于誤國姦臣之辱萬
一霄壤矣不辭蕪陋僭識左方南宮有神亦幸其書之遇是

歲季秋之望松雨老人武林平顯拜題

遺項百潭手顯仲微

按冊前有二印成邸記云首葉大篆印二上印不可識下印

文曰秦墳煢之子也愚審上一印當是伯和二字蓋墳之字

也惟伯字文反

米元暉雲山得意圖卷 瓶麓齋舊藏

紙本水墨高七寸三分長四尺八寸五分峯巒起伏雲氣迷
漫林木陰翳飛泉清暢是雨後新晴雲歸遙山景狀至今清
潤之氣猶撲人眉宇也卷首下角有曝書亭珠藏印題款在
尾上角極超脫有家法真跡無疑惟宋跋竊恐上偽耳

雲山得意圖 米友仁

仁友

米南宮師王洽濃墨法得其用筆而自成一家故能操縱豪
放烟雲出沒有大幅千里之勢嘗見雲山得意圖為繪林神
品此卷亦元暉得意筆具見家學淵源未許門外人學步予
得之茗溪陳氏喜而寶之

金華宋濂所藏

米元暉雲山得意卷明宏治間曾為閩朝英購藏吳文定諸
公皆有題跋今僅存宋學士跋語餘皆軼去深為可惜觀帝

尾硬接處割裂之迹顯然此必市僧作偽另作贗本欺人當
尚有跋真畫偽之卷流傳世間余幸獲此真跡如探驪得珠
不必更問鱗爪矣 光緒戊寅三月楊慶麟識

米元暉書姑蘇學宮記冊

紙本翦裱二十一開：六行徑寸行楷筆力超拔全用家法
雖少有漫滅之筆而神完氣足洵名迹也首有二印剪去僅
存英和私印一方末頁有墨緣堂印蔡世松友石甫審定真
蹟葉隆礼士則甫水鏡堂珍藏印等六印

郡邑置夫子廟於學以歲時釋奠蓋自唐心觀以來未之或改
我宋有天下因其制而損益之姑蘇當浙右要區規撫尤大更
建炎戎馬蕩然無遺雖修學宮於荆榛瓦礫之餘獨殿宇未遑
議也每春秋展禮於齋廬已則置不問殆為闕典今寶文閣直

學士括蒼梁公來牧之明年實紹興十有一禩也二月上丁修
祀既畢乃惕然自咎挹諸生告之曰天子不以汝嘉為不肖俾
再守茲土顧治民事神皆守之職惟是夫子之祀教化所基尤
宜嚴且謹而拜跪薦祭之地庠陋乃爾其何以揭虔妥靈汝嘉
也不敢避其責曩嘗去此弥年若有所負尚安罷輒自恕復累
後人乎他日或克就緒願與諸君落之於是謀之僚吏搜故府
得遺材逾千枚取其贏貲以給其費鳩工庀役各舉其任幾月
訖功民不與知像設禮器百用具修至於堂室廊序門牖垣墻
皆一新之無復兵火凋殘之象既而公求去甚力士子德公之

賜陰圉挽之者計百出不果仲熊客游之久嘗從公廡下壯其
宏偉徘徊不能去退而竊有述焉夫樂因循而重改作最天下
大患當承平無事法令備具上下恬嬉注二負才抱執之流欲
有施設亦無因見若艱難多故雖賢智目驚猶日不暇給儻復
一切苟且則浸淫駢弛無所不至矣自國家兵興之後天下廟
學廡一有之類同陋就寡甚者以為迂闊不急之務漫不加省
縱有意吾黨猶縮手畏避不敢為蓋嘗深鄙之去年夏六月邊
陲繹騷朝廷以此邦江淮之衝亟起公琳館以鎮撫之早未久
境晏然迺獨以學校為急除舊起廢以飭祀典且修文正范公

安定胡口生二祠以為邦人之勸公之意至到如此可謂知所
先矣此役也雖未足以窺公規畫一二然使為師帥率以是為
務吾知其有廢皆舉何事不濟哉故叙其實以告來者且系之
以詩曰

魏、夫子道侔天地久而彌光于今奉祀中原雲擾俎豆靡餘
旁風上雨似窘厥居兩楹之奠鮮克中禮弗恭弗蠲吾道是恥
玩歲愒日孰為經營奕、斯廟非公莫成神棲孔嚴遂還舊觀
我、儒冠載瞻詠歎維昔僖公實修類宮千載相望蔚其高風
猗歟茲舉能使吳重我作此詩以繼魯頌

左迪功郎新差充太平州州學教授鄭仲熊撰

右宣教郎翟耆年篆額

右朝散郎提舉兩浙西路茶鹽公事米友仁書

紹興十一年歲次辛酉四月己巳朔建

按張擴東窗集載米元暉轉右朝請郎制云權鹽之法具有
成規惟推行之得人則異通而無壅以尔風力強濟智慮疏
明將命浙西肅厲無怠歲終會課以增羨聞何靳一官庸示
勸賞云此姑蘇學宮記乃未轉朝請時書也元暉墨迹散
見于款識題跋世猶有存者若夫五百年後觀此全文洵非
易：照齋司農購而藏之其知所寶重矣
嘉慶庚午三月

成親王記

詒晉齋印

題谷並錦圖上一簽均成邸書

釋巨然溪山蘭若圖軸

絹本水墨高五尺三寸濶一尺六寸層巒疊上高矗雲表樹木陰翳中露樓閣對岸一茅亭面山臨水水邊芳艸縈拂石隙中古藤下垂一望無際蒼題溪山蘭若細審樓閣隱約不侶蘭若迺其林木蔥鬱溪山清潤當是夏日山居圖意也上有乾隆御覽之寶石渠瑤笈二璽左邊有珍秘子孫保之二印右角下有安儀周家珍藏印左角有棠村審定印款在右角上二小字

巨然 印二不可辨

李晞古寫少陵詩意畫軸

絹本設色高五尺三寸濶二尺八寸山色平遠蘆荻青蔥老松兩株中雜以丹楓數樹一叟乘舟背坐風致蕭洒一童把櫓一童捧壺一童滌器舟中置菊花一盆盤盂風爐數事飛雁一行自天而下背坐者回首仰視把櫓童子叉手作指示狀情景極為逼真定是寫少陵石出倒聽楓葉下櫓搖背指菊花開二句詩意也左角下有數小印不可辨款在左邊松

幹上四小隸書

晞古李唐印不辨

此軸余甲午春按試陳州道出太康于行館中見之時大令為常州袁子庚學瀨甲辰世誼也審非贗迹與子庚談次及之囑其珍惜子庚遂以見昇絹色霉汚精采已損乙未南歸重付裝池精神煥發蓋絹身尚無多剝落也

劉松年仙山樓閣圖卷瓶簾齋舊藏

絹本設色工細高九寸長四尺三寸五分雲峯縹緲樓閣參差樹影波光點綴入妙其界畫之工細布置之精密筆墨之空靈氣韻之清潤自非後人所及不然工筆之畫最易板俗此迺秀雅絕倫宜在畫院中獨名垂不朽也前有原博子京父印項墨林秘笈之印玉峰顧氏善夫收藏等六印後有墨林孟舉等四印款字極小在卷尾劉字尚存大半

劉松年製

巨靈擘洪濤丹巖千丈岌磊砢雲骨碎玄牝幽相投日月石
漱虧陰崖光熠：波濤湧洞門周髀如石竺冰雪散朱明乳
竇四時濕崢嶸倚天開鬼恠疑龍蟄雲房夜不扃風穴鶴頻
入峭類馮夷宮函式仙人笈金經久磨滅石室間能級神仙
不紀年安期誰可挹且作逍遙游蒼茫真獨立 石鏡以明
題 世壽名 好是問

九里窗南曉色晴銅峯挺出步蒼冥龍葱萬木浮嵐象突兀
羣山拱墜形雨濯芙蓉添紫翠雲開園畫見丹青東風簾幙
層樓上相對何妨倒玉瓶 三稿文彭題于悟言室小隸 孫氏
杰閣巍：枕石城高飛物外覺孤清眼前萬里滄溟闊天際
幾聲鷗鳥鳴玄島有時呈貝闕扁舟無處覓徐生神仙落：
應難遇留得仙居二字名 嘉靖戊申秋七月三日得觀于
携李項氏天籟閣子京語余曰此前歲從吳門王氏獲見之
目出重賞况令兄壽承同注賄之誠生平鑒賞之冠復索余
題一律以紀勝玩云尔 茂苑文嘉休承并識 文氏 休承
瑯琊王世貞觀

余初得此卷見其神韻古雅界畫之工幾于細入秋毫疑非
宋以後畫家所能玩索再三偶于卷尾脫黏處得劉字偏旁

其下雖僅存筆蹤審度體勢決為松年兩字無疑不覺狂喜
以項子京收藏之富所見宋元名蹟不知凡幾而猶推此卷
為生平鑒賞之冠余今以無意得之誠為厚幸光緒丁丑九
月重付裝池并識于後 振甫楊慶麟

劉松年十八學士登瀛洲圖卷

絹本工筆設色高八寸六分長一丈三尺一寸棟宇闢麗臺
榭軒敞布景設色各擅其勝按庚子消夏記唐閻立本有十
八學士圖于志甯贊沈存中跋舊稱三絕此殆仿為之所
云許敬宗作回首怩怩狀蘇世長頭禿無髮腦傷七瘕如星
極為醜陋此則無徵蓋以意為之未必有本然十八人中或
彈碁或撫琴或作畫觀書或酌酒啜茗且池荷競放梧竹清
幽想見炎夏風涼聯袂登仙之樂固不必刻擬前人也首角
下有句吳顧仲氏玄音監定子孫永保三印款在卷尾

翰林畫院賜金帶劉松年製

年松

十八學士瀛洲仙文采照世皆貂蟬廟堂論道豁胸臆作藩
開闢神光天烈：房与杜對業光縣翮雅愛雲永興健筆鐵

可穿褚公姚公才湧泉早以儒術窮唐鏤二蘇二薛何挺特
王門獻納相後先主簿倉曹亦英俊後天榮後事尤冠然太學
先生漢美璧參軍謀度冰雪妍宋州戶曹宦清簡一時風雅
同高騫朝談黃石略算校白雲篇所思在經濟未藝焉足傳
方今化雨清八埏西堂進誦羅羣賢搜才直欲盡巖穴拔擢
遠邁貞觀前畫師如有意摹寫精丹鉛却令千載後名高日
月縣丈夫宏達當如此誰能齷齪同青蠶我願河清海晏三
千年聖人端拱開文淵還期比屋可封俗淳古不獨圖像詩
凌烟太常少卿兼經筵侍書廣平程南雲題
十八儒臣侍太宗雲龍風虎聚英雄天顏有喜沾恩共公館
無私樂事同玉局曉聯鴈序滿金蓮夜散鳳樓空當時圖像
凌烟閣房杜勲名列上公東海徐有貞題于堅白堂中
右唐十八學士登瀛園為南宋書院劉松年真跡模其生意
究其工巧金貂玄纓飄邈逸後樂沆瀣馳騁芳塵矚曠品
嶧賞奏響泉握箕局勝拊思麗辭點染岑奎博雅藝鼎嘯咏
巖壑憑高縱目接談之向背主從之威儀森然厠紀律宛若
履斯境無不由畫其妙展玩時令人風生而脰松年不得類
中三昧何能入此之神奧也哉乾廣吳寬識

張擇端武夷山圖卷 瓶齋齋舊藏

絹本工筆青綠高九寸一分長五尺九寸峯巒勾勒圓渾林木點綴工細是宋人青綠本色無題識前後有松雪齋一印揭傒斯印只存傒斯二字餘皆不甚知名款在卷尾四小字

張擇端製 印一不辨

攷擇端南宋初人工畫有清明上河圖人爭摹仿之此卷外舅題為武夷山圖未知所本設色濃重絹色麤厚當非贗品特少題跋相證耳

趙千里觀潮圖卷

絹本工筆青綠高八寸五分長三尺七寸四分花柳掩映樓閣參差數舟乘風逆潮而上極海闊天空之勢波垞清麗遠山分明是春三天朗氣清時候觀潮者倚杖逍遙同輩四五人更有野老童穉相随意甚得也前後有項墨林父秘笈之

印神游心賞等三印緗素簾厚與張擇端武夷山園卷同款
在卷尾小隸書

千里伯駒 野

二月新蒲刺碧華春潮洶湧映紅霞夕陽偏有供詩料忽送
青山落釣槎 右趙千里觀潮圖精妙莫及神采煥發當為

生平傑作藏者珍之 吳郡宋克仲溫之印 宋室趙伯駒畫得六法之妙吳道子王瓘當亦無忝矣李嗣

真云為昭道後身信不誣矣此卷觀潮圖更為神妙不可不
寶 杜綰識杜綰印

涵峯子王守偕閱于石湖草堂之東軒 高陽許初元復氏觀篆書軒寶

錢舜舉山居圖卷

紙本設色高七寸八分長三尺二寸六分鈎勒峭厲設色古
雅石根皆塗以金樹色渲染雖無濃淡之分絲饒古致雲以
粉數沙以墨畫殆猶是唐人遺法後來惟六如居士能仿之
它不多見也有怡親王寶曾存定邨行有恆堂暨希世有印

章隔水綾上有定邸清賞筠鄰審定小印卷尾有儀周鑑賞
程心揆定王印信行有恆堂審定真點明善堂珍藏書印記
共十一印高士奇印刺半方隔水綾上有北海孫氏珍藏書
畫印暨跋上共十三印又儉庵墨印款在卷首上角

山居圖

無印章

江上嵐光滴翠微江波浩渺蕩晴暉石林霜老丹楓樹茆屋
雲深白板扉鏡裏一天飛鳥盡槎頭三尺釣絲歸展圍無限

滄洲興愧我黃塵未拂衣

紀儀

之印 紀式

桃源起新徵芝巖六科稅刺水殘山無寸遺白雲夢斷歸來

地晴窗忽見古畫圍眼中笑兀開仙都玄圃滄洲宛相似不
知塵世皆泥塗夫容峯高眩金碧海霞掩映成五色茅堂深
開白板扉漁磯陰護青苔石江天鏡濶波不驚野樹錦列秋
無聲扁舟載客向何去日暮還尋漚鷺盟如此高情復誰有
烟雲空落丹青手卷圍三歎意茫然淒風颭生林藪

堂

紀

半生日有巖栖志垂老空思卧一邱頻就山僧談雁蕩幾曾
身到大龍湫退耕崖谷擬幽探歸後林壑未結庵寒澗晴

初霜旦肅青黃仍在畫中看 余藏彝舉山居圖六年每思
題句其後康熙甲戌七月初五日竟夕雨聲漏長無寐曉起
天氣變涼偶閱此圖感山居之志未遂目賦二詩時在松西
簡靜齋此卷與秋江待渡圖稱準絕 江邨竹窗高士奇

後跋三接皆有高竹窗鈐縫印

狂瀟筆

聖世溥深仁農田不加稅半生清夢醒黃梁歸來猶有躬畊
地放眼雲山入畫圖蓬萊回首辭皇都但得衡茅容栖隱何
妨軒冕等泥塗雲溪遺迹珍拱壁一卷丹青煥古色齟齬不
欲附吳興畚成宜卧南山石於今時有鯨波驚滿庭肅殺聞
秋聲願入空山侶松柏歲寒占結冰霜盟三復斯圖歎無有
轉旌况待經綸手我慙綆短負明時山林藉作逋逃藪 予
於光緒辛卯得此卷擬題一詩于後校士中州倉卒未果乙
未歸虞奉母課子頗有山居之樂目次紀公均題此時在戊
戌仲夏息庵附識

按卷載江邨消夏錄後跋無關又見庚子銷夏記
攷彝舉宗景定間鄉貢士與子昂並在吳興八俊中自子昂
被薦登朝諸公皆相附取達官彝舉獨齟齬不合流連詩畫
以終其身蓋猶宋之遺老焉畫使多入之于元予謂當置之

宋末以全其志

宋元名人書詩札卷 瓶麓堂舊藏

第一段宋徽宗書絕句二十字紙高九寸四分濶一尺三寸
三分中鈐御書方印右角上乾卦圓印左角上宣和長印有
項子京家珍藏等印盧氏伯材吳氏荷屋平生真賞二印筆
勢連綿似仿李太白書

南浦隨花去迴舟路已迷暗香無覓處日落畫橋西

第二段句曲外史書帝高七寸八分濶五寸三分右角上有
子京胡廬印左角上有大和印下有子京所藏等印四吳荷
屋印一鐸詩意疑是題畫之作

誰畫荆南精舍圖烟霏嵐翠墨模糊林間野鹿時相逐洞口山
猿不受呼尚有流泉悲夜雨已迷幽徑入寒蕪癡人莫彈西飛

鶴雲外仙君恐姓蘇

雨無印

第三段峒書札紙高八寸七分濶一尺八分右上角有玩易齋印左上角有寄傲長圓印下有子京印五宏文之印錢氏書堂印二黃琳美之休伯印二李君實鑒定印一吳荷屋印一楷書筆意少弱而有古趣

峒悚息再拜啓伏審使旆按行屬邑冒涉勞神已承歸府百休未舍慰浣：下諭驚山今秋峒嘗陪陸聖微往觀其局務酒課甚辦諸事悉如漕臺指麾矣道途遼遠豈宜煩動崇重耶然不得瞻奉清威以丐餘教此為鄙悵耳峒及瓜之替止有四箇餘月不才獲免曠責皆出自恩庇舉族知幸：交代猶未有書尺誦好聞在許田端明侍下旦夕當馳書少通禮意口謾恐

第四段周公董書紙高七寸八分濶五寸左角上有清宴堂印下有項墨林等三印

東風三月燕差池溪上論文故舊稀蝴蝶拍花紅雨亂杜鵑啼
樹綠陰肥樞衣坐石歌棠棣拄杖看山賦式微忽懷閩闕耕釣
史故鄉何處一來歸 六月望日書于擁翠堂 密印 無印

第五段楊鉄笛書帑高八寸六分濶一尺四寸七分右角上有內殿秘書之印左角上有至寶印前後項墨林印三李西涯印二李君實印二吳荷屋印一

天香引一首敬上橘隱仙翁之壽門客楊維禎稱觴再拜 西
樓宿雨初晴星照長庚人在蓬瀛橘裏乾坤山中宰相天上聲
名清露飲蓮華玉井紫雲歌象板銀箏難弟難兄合璧連城佳

靖佳翁玉潤水清

廉夫

鉄笛道人

第六段升書札帝高八寸二分潤六寸八分左角上有雙螭長方印下有項墨林印五黃琳美之印二吳荷屋印一行書筆力凝重有顏米遺意

升再拜手教兼蒙頒惠鶯酒自以久疎問訊日負悚愧捧領尤增汗顏感刻之悲留面賦以紓下悃 升再拜

第七段松雪書札紙高七寸八分潤一尺四寸四分左角上有天籟閣印下有項墨林印六錢氏書堂印一葦間書屋印一吳荷屋印一又一小印不可識牀書

益頓頓首晉之足下數日來心腹之疾大作作惡殊甚令親至得所惠書知安善為慰不可言付至西洋布及才惠法物一二

拜領感激無喻負印冀用情昨仲美以為必不可得望以下意
祝仲美委曲成就為佳沈提領處綾亦望催促令親帶來紙素
緣情結不佳不能盡如來戒千萬勿訝人還草具荅餘唯珍
愛不宣 十一日孟頫再拜

趙氏
子印

第八段王若水書札紙高八寸七分濶六寸九分左角上有
賜書堂印右角上有寄傲印並下墨林山人印六又吳荷屋
印一

若水嘗說黃 方開爐得五十粒并紫金丹一百粒建茗二十
斤分茶盞一隻茶盞一桶文籍七種各一部川附三十枚川墨
四笏謾注不以其微浼而辱收留之至幸冒昧皇恐 若水再

拜覆

第九段觀書札紙高八寸三分濶六寸九分有項子京印五李西涯印二太原王氏珍藏印一吳荷屋印一

觀啓楓橋宰堵在望中念欲重詣久不克被誨存喜聆清適舟車北來道俗之譽諠然信名下無虛士也不宣觀啓上溫老

第十段黃文獻書帝高八寸七分濶一尺一寸三分左角上有退密印暨下墨林生共六印吳荷屋一印李君實二印

腴晦齋銘 黃潛撰 王君仲致以腴晦名其齋盖有取乎考

亭朱子字元晦之祝辭云尔夫所謂人晦于身神明內腴者道而通也今乃援其辭而左之者通而復也仲致來徵銘則為之銘曰 維皇播物終始一誠屈信相推迺色迺形有出于幽以

豐而亨有入斯息明夷之貞而通而復與時偕行展也王君斂其華英退藏於密以觀其生與造物者游神之廷曰予庶幾天之性情我曷相之式彰茲銘

右宗元諸賢尺牘書法疎秀縱逸輾轉犇放若仙人騁鸞術士馭席開卷展玩風雨虹霓蕭瑟天矯令人飄飄有凌雲之思髮鬢漢武讀子虛詩也宏治甲辰冬日後學長洲沈周昔人評玉局翁書上下五百年縱橫一萬里舉無其匹誠然而尤妙于尺一之牘蓋信手裁答天真爛然無拘攣牽掣之態承蜩弄丸其技神矣己酉臘月六日過補庵坐頭出脉宗元名賢共十帖皆神采之筆高者可方顏平原爭生下亦不亞楊凝式林藻遺法補庵其實之哉茂苑文嘉

筆錫余
之嘉名之所

宗元名人書冊 瓶麓齋舊藏

第一二開東坡書札四頁頁高七寸二分潤二寸九分字三行行楷前有陽明山人名世元老二印震澤惟志二半印末有夢歐堂記一印極佳又傳雲陳氏彥廉等三印

軾將渡海宿澄邁承令子見訪知送者未歸又云恐已到桂府若果尔庶幾得於海康相遇不尔則未知後會之期也區區無他禱惟晚景宜倍万自愛耳忽留此帋令子處更不重封示罪
軾頓首 夢得口口閣下

第三四開三頁東坡贗迹勿錄

第五開至十二開山谷大行書十五頁前八頁高八寸一分

潤五寸一分書七絕二五絕一後七頁高六寸九分潤三寸九分書七律二第八頁上有奕世元魁濟之二印筆法遒勁

以書七絕二首為竈佳臨摹山谷惟石田逼真此三段非石田所及自可信為真迹也

九陌黃塵烏帽底五湖春水白鷗前扁舟不為鱸魚去收取聲
名四十年 甌社湖中有明月淮南艸木借光輝故應剖蚌登
王室不若行沙弄夕霏 山谷道人

沿溪踏沙行水綠霞紅處仙犬忽驚人吠入桃花去 山谷老

人筆

山谷
行人

句吳亭東千里秋放歌曾作昔年游青苔寺裡無烏點綠水橋
邊多酒樓大抵南朝皆曠達可憐東晉最風流月明更想桓伊
在一遂聞吹出塞愁 謝眺詩中佳麗地夫差傳裏水犀營城
高鐵瓮橫強弩柳暗朱樓多夢雲畫角聲飄江北去釣歌長向

月中聞揚州塵土試回首不惜千金借與君 山谷老人黃庭

堅書

山谷
衛人

安定
家寶

第十三開山谷贗迹勿錄

第十四開元人奉勅題圖四頁洒金箋小楷書頁高八寸

潤三寸四分許筆法挺秀有歐褚遺意首有御書之寶一印
墨林生小印末角有秦蕙田小印

至大三年冬伏蒙皇上朝興聖宮上皇太后尊號曰儀天興聖

慈仁昭懿壽元皇太后大赦天下慶溢宮庭歡騰海澨是日宴

臣等於五花殿中寵錫鈔帛臣等捧觴稱賀隨蒙皇太后手示

臣等以臣王振鵬所進歷代聖母賢妃圖十冊臣等恭閱一過

還至御前須蒙命臣等登記名氏於圖首以彰一時君臣相得

之盛臣等竊惟皇太后德邁前人望隆往哲觀圖思警借古繩
今此振鵬殷々之素悃用供設玩並姬圖而媲美敬擬箴銘嗣
虞繪以垂休臣等無任欣賀之至 臣阿沙不花 臣塔思不

花

臣李益

臣三寶奴

臣脫虎脫

臣李邦甯

讀此題知書院丹青中寓規諫在元時猶存古意
第十六七開揭侯斯書宮詞四頁小楷界烏絲頁高七寸三
分潤四寸九分二頁下角有昧經小印三頁右角下有蕙田
印小印楷法員潤有曹娥碑筆意

題九成宮

紅樓翠閣鎖重々為想君王愁正濃若問年來宮

女面難將顏色比芙蓉

杏衫飛燕惹春烟獨進宮中捲碧簾

一任東風生曉夢更無餘力貼花鈿

風動珠簾日影移薄施

鉛粉畫蛾眉巧妝時望君王過照鏡還嫌掠髻遲
昭陽雲散

雨飛來花葉青惹惹舊臺獨有一枝沾不到至今纖蕊未曾開

內院花殘一片紅牙牀獨起怨東風愁長細訴窗前月憶得

君恩在夢中輕折新紅取次行夕陽西落晚霞明空階無渡

來春輦碧草于今隨意生內中傳喚採紅蓮宮女隨行泣盡

船採得並頭花一朵先教進與至尊前
揭僕斯書

揭僕斯印

題阿房宮
游景芳菲轉作顰珠簾月冷倍傷神曉來不敢開

簾看只恐春花暗笑人
淡掃蛾眉新樣妝春來輕試薄羅裳

庭前惱殺愛蝴蝶不肖翻飛近御床
風景清明又一年銀燈

大樹月初圓宮中天子開簾看鬧沸笙歌入玳筵 梨花零落

夜香殘風捲珠簾入夢寒忽見宮庭飛月色猶疑身倚玉欄杆

冷月移花上畫屏抱琴無語過中庭含情彈到求鳳曲願得

君王試一聽 一春多病却添愁輕放珠簾下玉鉤夜靜身閒

無別事內中約伴按梁州 翰林學士揭傒斯書兼試鳳尾硯

倡僕
斯印

第十八至二十二開脫：木兒跋畫行草大字十頁：三行
高七寸七分濶四寸九分是考後題跋剪割者

魏人時苗素以廉介著聞嘗為壽春令以牝牛拽車至縣蓋無
僕妾之類愛民如己子疴瘡若己斂故民無不懷恩佩澤後去

縣亦無它有民送者擁道悲泣啼若孩提之遠父母也苗思
吾於斯民數年未嘗少有擾害之患民豈不知惟此一犢乃長
於斯邑者也欲遺於民、皆不受觀此亦可以見其所行之槩
矣此圖甚可為有官者之戒豈玩好而已哉 脫、木兒跋

此冊為趙彥徵所集精妙絕倫無以復加者矣第彥徵集之
甚勞而余得之甚逸其欣慰當何如哉 宋燧識

大學
士章

此冊連跋廿三開書者五人除蘇黃二種決為偽品餘尚有
未愜意處惟宋元書家真迹傳世已少生平亦未多親雅不
欲以輕收貽譏後人然取擇過嚴亦恐重誣古人錄此以俟
精于鑒賞者定之觀宋元畫亦存此意

宋元繪林集勝冊 瓶麓堂舊藏

第一開山水淡設色絹本紈扇式高八寸六分闊九寸叢竹
滿洒古木槎枒矮屋兩椽遠山遙迤畫筆在倪黃之間樹下

坡陀間有二米遺意無款識有項墨林印二又延之心賞印
第二開山水青綠絹本高九寸濶八寸七分蠹蝕頗多危峰
遠峙老樹奇橫隔岸水榭臨波一人橋頭緩步淪連滿目風
景宜人工細類劉松年得意之作無款識右角下有華字圓
印又緼仁二字聯珠印
第三開山水水墨絹本高九寸濶六寸三分石壁聳立樹木
橫斜瀑布消聲清溪冷淡是寒冬景象也筆意雅近雲西老
人無款識印章

第四開山水淡設色絹本高八寸三分濶七寸五分皴點細
密邱壑清奇山坡闊處古崗孤聳老樹迴抱境地極為幽僻
范中立之流亞也無款識有項墨林一印
第五開山水水墨絹本高七寸四分濶六寸九分絹身少有
罅裂峯巒清潤烟樹迷茫溪水虛澄遙山微露是雨中景狀
畫法在仲圭房山之間無款識有項墨林一印
第六開山水淡設色絹本高八寸二分濶七寸五分林巒秀
澤雲棧危撐一人帶笠策騎一人肩擔後隨城闕參差遙列
雲表流泉迴繞直瀉前溪雖絹素略暗稍乏精采而情景皆
可細揣也左角有盛懋二小楷又子京一印

第七開山水淡設色絹本高七寸四分濶七寸六分岡巒起
伏百道流泉兩坡老樹直幹參天一人在樹根獨坐兩童捧
袱自竹邊來橋下亂石激水盡成飛瀑山色泉聲別有一番
勝槩畫筆与前子昭一頁相似無款識有項墨林印

第八開山水水墨中略施淺絳絹本高七寸九分濶六寸八
分樹色葱鬱雲氣迷離危閣高撐遠山競出房山得意筆也
無款識印章

第九開山水青綠工細絹本高七寸五分濶六寸竹樹溪秀
岩岫玲瓏山腰樓閣數層二人相對清話一樵者自極頂危
棧肩柴而下坡上二人綠陰間眺舟中二人打槳歸來時則
落日半輪遠銜山外風帆迅駛溪水澄鮮非千里不能具此
精妙雖略有剝蝕完好處猶精采奪目無款識印章

第十開山水青綠工細絹本高七寸三分濶六寸峯巒危峭
溪水空明隔岸依山一村落屋宇鱗次山峯缺處現一古剎
洲中島峙高松排列下結茅亭三人跌坐石上有小舟盪槳
而來近岸柳陰下一畫舫二人對坐其中一童玩弄舟子作
勢為撐篙離岸狀當是首夏清和溪山明媚將蕩漾于橋紅
波綠之間也与前幅同一筆墨無款識印章

第十一開山水青綠絹本高六寸二分闊九寸三分層巒重疊丹楓翠柏排列高下中露山徑一條一人扶筇直登絕頂山麓草堂唐宗竹扉洞開境之幽曠殆無逾此畫筆六雄厚無委瑣態元人高手也無款識印章

第十二開山水淡設色絹本高六寸三分闊八寸六分樹幹蘗雜木葉盡脫松杉數株青翠可愛岩石潤竅而平坡綠草縈帶有情是空山深秋候也無款識印章

第十三開山水設色絹本高八寸闊八寸三分古樹杈枒青藤蔓生其上樹下巨石旁一茅亭翠竹數竿高出簷際溪山幽靜宇無一人畫意極為高曠無款識印章

第十四開山水設色絹本高八寸二分闊七寸九分遠山平迤林屋分布溪田畝絡錯雜其間一棹扁舟清波萬頃極目天際檣影槁梁隱隱可數因畫中極清曠極平淡之一境無款識印章

第十五開山水青綠絹本高五寸八分闊一尺一分危樓高淥竹樹凝寒岩木凋零微雪散布一人獨坐樓頭望扉靜掩隔岸山脚危檣排列展玩數四如值風雪寒江瞻眺于層樓極高處也畫法六類千里無款識印章

第十六開門茶園絹本高八寸六分濶贏一分兩人各肩一擔：中風爐挽盞無一不具二吏容兒清奇衣折古雅更有傘笠筠厨色：入細款在左角上隸書二行余尚藏有六如居士一幅蓋仿此也

鬪茶圖

宣和二年春大梁蘇漢臣寫

蘇氏漢臣

第十七開寫生設色絹本高一尺一寸闊八寸五分蒼葭數莖間以紅蓼葉莖皆用雙鉤有二蟹爬沙水際筆意秀逸生動宋人寫生本色無款識印章

第十八開花果設色絹本高六寸七分闊八寸二分銅鉢一置枇杷數枝白磁瓶一供蘭花二朵筆極秀雅惟綳側露藍帶結鉢後橫按二筆染以淺赭未解何物無款識印章

第十九開草蟲設色絹本高七寸八分濶六寸九分細草篆草纖花掩映一州蟲俯據其上下大小兩蝶黑白相間翩反而下皆栩栩欲活無款印

第二十開草蟲設色絹本高七寸九分濶六寸九分草色青葱花葉滋潤一蝶飄然而下作採荈狀一黃蝶側翅斜掠互相照應筆：如生無款印

古緣萃錄

与一

廿

澄蘭室

第廿一開翎毛設色絹本高七寸九分闊六寸九分寫菊黃白二種俯仰向背靈活有致三雛雞共睨一蜂一白色者作欲啄不敢狀迫之如聞其聲無款印

第廿二開翎毛設色絹本高七寸九分闊六寸九分小草鋪地青翠欲生准鶉棲伏其上意甚適也此葉靈活結實纍纍當即所謂沒骨畫法無款印 以上四幅筆意相近知必同

出一手

第廿三開山水設色絹本高一尺一寸七分闊七寸二分崇山兩面中界流泉巖下平坡茅亭高峙一人獨坐其上觀瀑樹蔭交加紅綠相間應是九秋天氣無款一印不可辨

第廿四開山水青綠絹本高八寸一分闊七寸八分縑素剝落色褪將微峯巒僅存鈎勒車馬屋舍與郭河陽溪山清趣長卷相似畫雖古厚不免駁骨之歎無款印

第廿五開草蟲絹本高六寸八分闊七寸六分縑素氾爛完好

第廿六開草蟲絹本高七寸四分闊七寸二分卷草精神蟲

飛活脫一蜻蜓朱色鼓翼而來俱極精妙無款印

第廿七開草蟲絹本高七寸五分闊七寸八分小草已秀微

菊爭華草蟲躍、蜻蜒直下秋色撩人可於筆墨外會之無款印絹六剥落數處

第廿八開草蟲絹本高七寸五分濶七寸三分秋花競放羣蜂亂飛惜渲葉花青著色過重絹身溷漉已乏精采無款印

第廿九開艸蟲絹本高七寸五分濶七寸七分蝴蝶揮花翩可愛只葉莖分明花已褪色無款印以上五幅尺寸少有

不同實出一手蓋皆畫院中所為第三十開翎毛紙本高六寸六分濶贏一分枝幹橫斜羣雀

栖息其上擇羽梳翎並皆生動有盧牛之印啓東二印筆墨寓意疑是明人所作

第卅一開紙本紙扇式高六寸濶七寸畫兩大蝴蝶一向一背弄翅飛舞筆意奇闊大有飛帛之意無款印

第卅二開灑金箋高一尺一寸九分濶八寸九分兩漁舟並泊石壁之下下一翁仰卧船頭竿絲斜插一舟中童子背坐似

滌器之狀秋萩蕭瑟岩樹倒垂筆意蒼老疑非宋元人手筆附

第卅三開山水設色絹本高九寸三分濶七寸六分峯巒渾厚林木華滋雲氣溟濛山房幽靜一人據案默坐漚扉洞開

牆角雜花滿樹山麓樓閣高出林表筆墨極潤氣韻尤佳有
瑯琊王氏世寶衡山廷韓氏三印在右下角款左角二小字
董源款下又有未雲閣圖書記一印北苑真迹世所罕覩見
名家仿本大抵沈雄古逸邱壑渾成此幀實為近之
第卅四開山水設色絹本高九寸四分濶七寸七分峭壁千
仞水榭數椽綠柳揚風紅蓮貼水一扁舟坐兩叟蕩漾于綠
波菡萏之間峯勢奇橫陂塘清澈兼營邱大年之勝款在右
小隸四字

晞古李唐

唐晞古

第卅五開人物絹本高九寸五分濶六寸九分碧梧一株為
植丹桂一美人坐石邊撫案作書芳草鋪茵纖花著色畫筆
獨見工細款在左角三楷字

陳居中

庵

第卅六開花卉絹本高九寸四分濶七寸九分雙鈎脩竹四
竿老梅一枝橫斜其下畫意極為古逸款在下方

皇慶二年蚤春曼碩學士招飲於書館維時殘雪初晴窗間梅竹掩映醉餘索畫漫作此以遺之 雪溪老人錢選并識 選錢

舉

第卅七開花卉絹本高九寸四分闊七寸花艸妍麗飛蟲靈活一石皴法筆力微弱確是女史之筆款在右角

天水管姬道申製

姬仲

第卅八開人物絹本高九寸六分闊八寸二分月宮洞啓一美人當戶理妝院落山石玲瓏脩竹三竿松梅互映一侍者捧槃緩步湘簾卷處露出挂幅上畫山水筆意絕俗倪迂真畫中画也款在右小隸八字

仇英摹龍眠居士筆

十洲

宗金元明名人畫冊

古緣萃錄

弓一

廿

澄蘭室

第一開設色絹本高八寸四分闊八寸六分園亭綺麗水木
清華巖石玲瓏橋闌映帶垣外一塔孤懸高出雲表樓臺隱
約花柳迷離令人有貝闕珠宮之想無款印

第二開山水設色絹本高六寸八分闊八寸九分岡巒圓渾
坡陀高峻山後瀑布直瀉漣至山根亂石處停蓄滌洄而臺
榭適當其上二人對坐虛窓聽泉清話兩面青松紅葉掩映
岩前樹外山坡架木成道往來車馬多于其間六山居勝境
也無款有晉府畱書之印

第三開山水青綠絹本高七寸六分闊六寸五分樓閣玲瓏
巖崖峭峻一篙波綠萬點荷青略約橋橫扶疏樹繞且紅牆
一帶露出殿角參差翠壁千尋繚以周廊曲折直是仙境非
復人間款在左下角下

千里伯駒

第四開設色絹本高九寸三分闊六寸一分堂室宏麗院落
清幽老樹盤檐脩竹樹後兩人對弈堂前脩然忘世畫境極

高無款印

第五開設色絹本高七寸五分闊九寸九分一坡平曠遠封

蕭疏一馬寢記其上形狀極為駿厲左角上書

大金明昌御筆賜翰林承旨王兢

上鈐明昌之寶

第六開山水設色絹本高七寸一分濶六寸二分一葉殘荷
數莖紅蓼一翠鳥展翅飛來水草葉以瘦鉤已作蒼黃之色
款在右角

雲川錢選製

第七開山水設色絹本高五寸八分濶六寸八分兩坡梅樹
萬株一閣矗立其上長廊隱約天氣陰濃有晚來欲雪之意
款在左角上小隸二行

至正辛卯冬月天游生陸廣

廣天游生

第八開山水設色絹本高七寸二分濶九寸一分山滴空翠
樹雜丹黃山樓高低溪橋略約或扶筇渡水或策蹇尋幽筆

古緣萃錄

弓一

五

澄蘭室

墨開戴文進藍田赤一派款在左角上二行

洪武十二年春王月二旬盛懋

第九開人物設色絹本高八寸一分濶五寸五分芭蕉兩本
湖石一拳一美人携扇拈卷逡巡回顧極清麗之致款在左
角下

實父仇英製

第十開花卉設色紙本高六寸三分濶六寸五分秋海棠一
枝著色古豔野菊數朵隱見于莖葉之間與萬卉爭妍卷用
筆正同無款左角下二印曰陸氏耕平曰包山子右角上有
清溪談景先珍藏書畫記

第十一開花卉洒金箋高七寸三分濶五寸九分花草清幽
坡石寫意一蝶弄風相，而來款五字右角上曰周氏航卿

汝南周之冕


第十二間花鳥絹本高五寸二分濶六寸一分白碧桃一枝斜橫一鳥息其上柯葉精細翎羽蒙茸工筆寫生斷推此種以其刻意描摹絕無板滯之迹生香活色浮動帝上真絕苑也款在右角下左角下有錢謙益一小印

如是女史柳是作于絳雲樓

字如是

書畫卷冊四種兼宋元明惟其以類相從悉以附之宋末混其類也

按此冊第一二四開原有款皆為人洗去其伯駒舜舉子昭十洲四開雖有款而印皆不辨蓋宋人畫幀無款者多後人必求其人以實之轉致畫蛇添足或係元明人仿作亦竟託其名經賞鑒家窺破去之以存其真因畫皆古雅可玩仍附宋末覽者審之



澄蘭室古緣萃錄卷二

古虞 邵 松年 輯

元

趙松雪四體千文卷

紙本高六寸六分長二丈八尺五分都四百八行正文每行
十字篆隸真草間書敬一堂曾摹刻之卷藏項氏天籟閣前
後印識疊 國朝為張晴嵐藏不知何時歸于高邱陳氏
成邱渡與陳氏易得後贈英煦齋相國此流傳之有徵者卷
端項墨林張氏等九印鈐縫四印隔水綾上十九印鈐縫五
印紙首十五印上角趙字圓印不計凡九截每接鈐縫四印
大雅鷗波二印則松雪自鈐也卷後有項子京成邱印十一
鈐縫印四隔水綾上印十一鈐縫印五後跋印廿一鈐縫印
三不具錄後款

延祐六年十一月廿三日為錄事焦彥實書于松雪齋 子昂

趙氏 松雪齋 天水郡 子昂 圖書

右文敏趙公四體書千文惜不見司馬子微五體書道德經較此何如也近代是書為家張雨記

勾曲外史張天雨印

文敏真草篆隸平日未嘗多寫觀此卷必為焦侯好事而書惜其九原不復作矣 唐隸敬題 唐氏 子華

此卷商邱陳氏所藏余以董文敏楷書千字文樂志論易得之蓋四體成於一日在松雪固是極率意之作然日能萬字

益可徵信 成親王 論晉 齋印

明嘉靖四十一年冬十有二月購于上海顧研山處 元趙

松雪書四體千文帖 墨林項元汴珍秘 原僧樹拾兩

悅

詒晉齋時有書畫之惠此其一也 吳和 松印

此卷帝墨精潔流便有緒自是松雪墨跡中一大觀成邸跋

謂其四體成于一日為松雪率意之作自承下款十一月廿

三日而言然古人書日或即以書畢之日係之未必竟一日

書也松雪此書誠有率意之筆而前後運墨不同固由帝有精麗六疑非竟一日書也

趙松雪書右軍四則卷

紙本高六寸九分長三尺三寸三分凡四段三十六行行草書右軍事點四則筆意全法右軍運墨極見濃厚松雪行艸中傑作也印首上大雅印下墨妙照珠印前有蕉林書屋梁清標句曲外史印後有梁清寓印玄映齋藏三印鈐縫豎隔水綾上又五印

義之書始未有奇殊不勝庾翼郝惜迨其末年乃造其極嘗以章艸答庾亮以示翼歎服因與義之書云吾昔有伯英章草書十紙過江亡失常痛妙迹永絕忽見足下答家兄書煥若

神明頓還舊觀

趙氏子印

羲之罷會稽住戴山下一老嫗投十許六角竹扇出市王問一
枚幾錢云直二十許右軍取筆書扇為五字嫗大悵悅云舉家
朝餐唯仰於此何乃書壞王云但言王右軍書字索一百入市
市人競市去姥復以十數扇來請書王笑不荅

趙氏
子印

羲之嘗自書表與穆帝使張翼寫効一毫不異題後荅之羲
之初不覺更詳看乃歎曰小人幾欲亂真

松雪齋

羲之性好鵝山陰有一道士養好鵝十餘王清旦乘小船故往
意大願樂乃告求市易道士不與百方譬說不能得道士乃言
性好道久欲寫河上公老子縑素早辦而無人能書府君若能

自屈書道德經各兩章便合羣奉之義之便注半日為寫畢籠

鵝而歸

子昂書

天水郡
國書

右四則語見論書表使虞侍郎見趙魏公此蹟當復作何語

耶

句曲張雨觀

句曲
外史

至元後四年閏八月十又五日觀于立文館甫里陸繼善

趙榮祿書氣骨精神奄出宋人之右但沈著不及唐人耳今

觀書右軍四事風流不愧古人歲戊申十月十七日觀于張

元度之環綠軒倪瓚

文敏公平生學書以義獻為師故喜書其事其風度蓋六類

之也宏治癸丑七月十六日雨中在並秀堂記吳寬

古緣萃錄

弓二

三

澄蘭室

趙松雪節臨書譜卷 瓶麓齋舊藏

紙本洒金箋高八寸三分長一丈五寸七分凡三接都九十七行無款前有神品翁方綱葉夢龍三印後六翁葉二家五印筆意圓厚墨采瑩然覃谿先生定為松雪真跡先生精賞鑒所論殆不誣也

夫質以代興至斯道愈微

趙氏子印

趙魏公法書名貫一代此其手臨書譜一紙乃暮年意到筆隨之作矩度從心故能直入鍾王堂與覽此卷知非萬學弘聖者莫能至也豈不信然此卷今歸雲谷農部二兄秘笈嘉慶丁丑夏五月四日八十五叟方綱題後

釋

世謂趙書贗迹最多尤難辨別蓋起論耳贗者自贗真者自真矣古人真書自具一種天資魄力神韻奕然其至處有必非它人所能及者况松雪天資學力所至如是者耶是卷真迹中家佳者何須致疑凡書贗本神氣索然瘦則無筋肥則

剩肉雖稍具形模無異優伶之作態何難立判此真迄今
之所以足貴也同日北平翁方綱又識

翁方綱寶堂

趙松雪幼輿邱壑圖卷

瓶麓齋舊藏

絹本高七寸八分長三尺三寸贏大青綠惟縑素泥爛精采
已遜山巒只剩鈎勒松枝多近撫糊其畫法似張擇端樹侶
錢舜舉一人跌坐山坡虎皮上風致尚可想見無款卷尾下
角有趙氏子印印上角一印僅辨一何字

右先承旨早年所作多輿邱壑圖真迹無疑拜觀之餘悲喜
交集不能去手無言師其實之 雍謹書

宜著山巖謝幼輿鷗波落月夜窗虛席頭癡絕無人識把筆
臨池每自娛 倪瓚

洪武辛未夏六月十一又二日三山周斌西甌趙友士李鐸上
饒梁鵠同觀于建庫之春風堂

黃塵汗人廊廟具蕭散風流誰比數清言善画浪相傳遺恨
千年機上女 吳興姚式題

筠庵

昔顧長康畫幼輿於巖石裏人問其故荅曰弟輿一邱一壑
自謂過之故宜置此子邱壑中也觀其清逸標致固足嘉尚

然能確守臣節當昔同幕罕有及之者今松雪後數百載心領神會作為此圖最是位置有方筆意奇妙使長康復生見

此必當點頭 東廬王珍

一邱一壑絕塵坐坐看前山出白雲可是玉堂揮翰手却疑

大小李將軍

鄧木木之

廬陵鄧學者家

非聖

身形似鶴鬢參

消得松風

置一龕

幸自青

好山色無緣

祇有幼興堪

虞集

雲伯生父印

論者可方庾亮何如邱壑自專幸甚嘯歌不厭風流畫猶

傳

宋元

吳建士宋子虛

萬象翠寒

萬歷丁未陳繼儒觀于項孟璜萬卷樓

此圖乍披之定為趙伯駒觀元人題跋知為鷗波筆猶是吳

興刺畫前人時也詩書畫家成名以後不復摸擬或見其杜

機矣

董其昌觀目題己酉九月晦日

董玄筆印

另紙上羅六湖二跋未錄

趙松雪鶴林春社圖軸子改卷

瓶麓齋舊藏

絹本青綠高一尺四寸七分濶五寸八分奇峰巖漢古對參

天茅屋數椽恰在溪山深處坡前一鶴昂首長鳴橋邊一吏

扶筇緩步一童子，援壺相隨山法樹。法全仿北宗，雖青綠稍褪而邱壑清奇，且雲樹悉用瘦鉤渲染，古厚之中獨饒靈秀。款在右角上三行，下角左右二印不可辨。

鶴林春社大德七年二月廿又二日寫於松雪齋 吳興趙孟頫

趙氏子印

溪西松影高千尺，白鶴時眠上頭風。而不驚鷗鷺宿雲霄，應與鳳鸞游明窓。華格珊瑚樹新釀，松花瑪瑙甌露下鳴皋。聲徹遠幽人空谷獨相求，元統二年春日何貞立題。綠樹陰護草堂夕陽猶照讀書床，悠然秋屨詩千首。白髮

青山歲月長 陳汝言題

言印

此園原裝小直幅，曾經董文敏鑒藏。跋云：趙文敏畫有鵲華秋色，水村圖最佳。余皆藏之，今得此園筆意，更兼唐人法無作家氣。元季諸大家莫與對壘也。跋書于邊，惜已破碎，不可收拾。重付裝池時，遂忍置之而錄其語，以備攷光緒戊寅七月楊慶麟識。

趙松雪青綠山水卷

絹本青綠工細高九寸一分長六尺一寸溪山明秀林木華滋綠樹陰中一士人坐小舫蕩漾波間後一童子撐舫而睡隔岸一帶峯巒銜接欲斷仍連路轉坡平因山架屋竹籬編短補以脩篁溪前現出水亭兩人對弈其上漁舟荻浦隱相望屋後岩石席蹲一小橋可達彼岸柳陰映處波面忽開或依岸懸甬或掉舟繫網或弄水持篙寫盡漁家之樂遙望則山嵐晡靄烟封蒼茫茅屋幾家汊港歧出牧童牛背緩歸未真一幅江南好風景也款行楷七字

至大二年冬 子昂

趙氏
子印

此卷初展未敢信為真迹反覆細玩覺筆墨精工氣韵生動非前明諸大家所能辦且水亭相對一峯全用荷葉皺法与余所藏石谷仿承旨鵲華秋色一幀相同卷首上角有鈐笛道人印下角有何氏元朗印卷尾有馬文璧印桂波安國賞鑒印別無一跋豈盡為人割去耶予得于中州聞為粵東姚致堂物也

趙松雪管仲姬合作鷗波亭圖軸

瓶簾齋舊藏

絹本水墨白描高三尺三寸潤一尺五寸五分老柏參天新
篁遍地一亭背山面水曲檻迴廊有二叟倚闌憑眺二人肩
竹三人携鋤而種岩石靈竒溪流縈繞風景致為清絕上有
晉府畜書之印清晏堂二印下有陳氏家藏審定真跡二印
綾上有畢瀧審定竹癡秘玩印款在左角上管款在下

鷗波亭圖大德八年春三月作

子昂

趙氏
子昂

甲辰四月既望管仲姬寫竹

魏國夫人
趙管

此鷗波亭圖為趙文敏與管仲姬合作世所罕得昔藏晉府近
遺畱人間為王弇州先生所得暇日示余觀其筆法秀靈人
物生動而氣韻蕭遠足稱神品寶之 半山老人韓達
禧識

趙松雪調馬圖軸

瓶簾齋舊藏

綃本工筆設色高二尺四寸一分潤一尺二寸三分一胡人牽一瘦馬骨露峻嶒以手作撫摩狀竊伏一大六奇瘦見骨右角下有桂波安國鑒賞何氏元朗二印左角下有楊氏珎藏韓榮光印二印款在左上角上前有二題

電發風迅昔人所珍天寒關塞豪士惻然其神氣縱倦駿骨猶

存晴窓對此有田子方之同志焉 子昂

趙氏子印

瘦骨非緣乏駿材奈何蹤迹久塵埃孫陽他日如相見莫作尋常款段猜 至正廿三年春三月東海倪瓚

雲

滿地秋風黃葉衰夕陽孤影見龍媒休驚瘦骨還相倚同是功成百戰來 仙井虞集

虞集集印

鮮于伯機書東坡与石塢問荅卷 瓶麓齋舊藏

紙本行草高五寸四分長五尺一寸六分紙兩接都三十行三四字不等筆意姿肆仍極謹嚴題首鮮于伯機墨妙大楷六字英和之印四代翰林家二印卷首項墨林鑑賞章乾盧脩梅山館珍藏秋颿珎賞四印卷尾陳希祖印梅翁墨緣

並鈐縫共九印後款

鮮于樞書於困學齋無印

古人謂詩畫俱合禪理以其超脫塵俗無滯無著如鏡花水月此為造詣深醇之極然非撇去魔障打碎呆燈烏之以語於斯衛耶此卷乃鮮于太常所書蘇長公与石堦問答字法流利骨秀神清隨意揮洒靡不錯落入古太常墨跡為世所重此雖尺幅袖珍而有一瀉千里之勢真是謂寸金瑤物也至正廿一年青龍辛丑歲清和月朔有二日山村農仇遠書

于躬行齋

南陽仇氏

躬行齋

批

右鮮于太常墨跡精神結構洵足得晉唐三昧豈近時學古

者所可幾及賞識家寶之

至正廿又三年三月朵尔直班

跋

孔教

太師國

予嘗謂古今賢豪家書法精妙通神者當以鮮于公為首推重其毫不經意處正其極得意處也何其學力深厚一鼓於

耶能鼎再拜跋

君重

環中老人拜觀

王達全觀

古之好學深思者莫不以禪為悅蓋儒與釋理境相通觀石
塢蘇文忠公一問一答便有至理各具慧心相喻于無言不
須再叩其所以然矣然非游心象外即不能虛空粉碎妙於
真實不虛非頑詮也鮮于太常為先輩高賢書法當代所宗
是參想屬得意之作非人可及也齊郡張伸識
蘇長公與禪門有夙習故其緒言餘論總合乎道石塢問答
乃一公案請識者下一轉語居鮮于太常晚歲尤好學佛此
書渾脫可想其詣力矣丙子長至岑陀居士邵孫贈
曾見天瓶老人跋鮮于太常真跡謂風骨端凝字含玉潤伯
機勝于松雪醇而後肆殆不如也若此卷之真氣勃鬱可謂
六醇亦肆矣使司寇見此當有知與可不盡之歎光緒乙亥
四月楊慶麟購藏並識

鮮于伯幾書五言古詩卷

紙本高九寸四分長六尺贏數分大草書廿九行：四五字
不等用筆飛翔沈著開枝指生之先聲卷首下角一印未識
尾下角蘭陵堂書畫記款只一字樞有伯幾朱文印蓋其上
惜紙色已暗間有破碎缺筆處有描摹之病

養蠶為素絲至吾徒尚勉旃一章十毒蜂一成窠至奈何不知

幾一章十 樞

縱橫極矣却自規矩森嚴若非鮮于伯幾恐未易到此 徐

良識臣徐氏

鮮于困學此卷染指旭素不類平日筆元人書法矯宋人之弊所謂粗豪獸見屋漏而圓滑欣達雖畫沙者其言雖未諦當而元人書旨在是矣此或困學變格為之後來吳下學校指生草書者皆有此意 丙申仲冬之月觀于直廬雪窗漫

題 劉壖之印

前年在席邱山塘見困學草書千文長卷愛其縱橫瀟灑之致展玩久之令閱此卷筆意葦快頗與所見千文神肖前人謂元人全似趙書不盡然也 平湖沈初記 沈初

古吳金士松同觀聽

鮮于伯幾帖世傳者與趙帖頗近尚非其本色此卷縱橫如意明張東海筆意似從此出若祝枝山則失之放縱未足與語此 丁酉人日 楓厓陳孝詠題 隸書 孝詠

余家有鮮于困學行書曲几藤床小硯屏云々廿八字長燈
先文恪愛其用筆道勁滿洒每縣之秋山紅樹精舍中靜對
移時茗香生賞今見此卷筆力結體正相類知為伯幾真面
無疑丁酉上元後二日柘林董誥跋

董誥
居士

鮮于困學草書真蹟僅見此卷筆意較松雪稍生董思翁嘗
以熟病松雪自謂生處即勝松雪處吾於此書云云丁酉八
月一日陽湖錢伯坻獲觀于京師白紙坊南永樂禪院并識

伯坻

伯機書不多見余家有枝山草書卷筆意縱橫与此大類或
古人變法為之未可知也乾隆乙巳六月治亭鐵保識

專治

余嘗見趙松雪手本以為道勁雖不得與鍾王並驅中原其
縱逸奇偉則比之諸董諸手不可同日語矣心切慕愛今于
朱用和家藏得見鮮于樞墨迹其運畫排字真如淘金削竹
優入神境再三披玩令人有不念之意然後向所謂松雪
之縱逸奇偉未嘗不有所汲來矣歲丙午仲春 朝鮮武侍
衛韓山李海豐題

趙仲穆羽獵圖卷 瓶簾堂舊藏

絹本設色工筆高九寸長四尺六寸三分山坡平曠林木蕭
騷數壯者乘騎出獵一人搦旗先行一騎背劍隨後一人挾
獵犬一人臂鷹一人帶弓矢立轡而行後一騎策馬追躡作
欲前不進狀最後一騎始出樹間尚有三五騎在林坡後隱
約微露人則狀兒雄偉馬則毛鬣如生絹身頗為蠹蝕精神
尚未大損卷尾有仲穆二字印無款前有盧芸翹鑒賞書畫
印子孫寶之二印後有麓臺項子京藏書畫印二無題跋

趙仲穆長松繫馬圖軸

絹本設色高三尺六寸二分闊一尺八寸長松一株繫一馬黑
色作奔蹏狀旁二馬一白一駸一烏中脩髯坐楓樹下石
上貌極粗陋絹色黝黑神氣尚足畫端有太上皇帝之寶五
福五代堂古稀天子寶鈐縫處有乾隆御覽之寶等八璽上
下蕉林等印三季印等印五簽題御賞仲穆繫馬圖是由內
府頒賜者款在右上二行楷

仲穆

印存一
穆字

俞紫芝楷書蘭亭詩卷

紙本高七寸四分長五尺八寸一分紙三接都一百二十八
行十六字烏絲方格首行蘭亭詩三字以下郡功曹魏滂
至行泰軍王豐之二十六人得詩四五言三十七首孫綽後
序一首筆法圓厚雖不能邁吳興而沈著流動在吳興書中
亦稱極經意之作題首紫芝灋書四隸字款曰三槁文彭卷
首下角有墨妙黥珠印當是紫芝生印首章又伍元蕙儷荃
氏潘氏凍筠珍藏書畫印二末有南海伍氏南雪祕笈印潘
延齡印文賢鑒定印三末行款字少小

庚子端陽後三日紫芝生俞和子中書於黃岡之康園

子中書印

此卷番禺潘德畬方伯泐入海珊仙館集帖中庚子是元順
宗至正二十年也道光二十七年丁未十月二日觀于羊城

宋惺齋并題 羅天池

紫芝生書神似松雪翁此卷圓腴朗潤細翫其波戈趯磔皆
從蘭亭序中得來使署松雪款幾令識者莫辨同治初年曾
收得其手摹定武蘭亭一冊惜已為人持去他日如得劍合

延津亦墨緣佳話也光緒丁丑正月振甫楊慶麟識
此卷外舅于粵中得之即以寄賜

王冰壺書老莊離騷各種卷

紙本高八寸八分長一丈三尺六寸金粟藏經箋鉄笛詩跋
在尾上餘紙行楷大小相間首段道德經知其雄一節五行
二段南華經子貢南游于楚一篇廿三行皆小楷書筆意全
仿二王三段屈原既放一首十五行小行楷極圓潤四段行
吟澤畔一首十六行行楷全用蘇長公筆法五段楚襄王問
宋玉有遺行歎一首十六行行楷書用虞永興筆意六段樂志
論一首十一行行楷書七段臨蘭亭叙一首二十二行褚意居
多八段桃源記并詩廿六行行楷書九段歸去來辭一首十七
行楷書十段鶴林玉露山靜似太古一則廿五行大行楷帑
八接楊題接縫有膺授印卷前有周氏元亮祕笈之印賴古
堂鑑賞印依竹居士鑒賞書畫印查瑩之印墨禪敬齋等六
印卷後有映山珍賞太谷孫氏家藏三印自跋一段

穀侯季公命書右十則盈卷回命綴語請得綜論之大制不割

見功甚寘柱下漆園其欲返三代之自然哉屈子廉貞而獨清
宋玉瑰異而獨處亦歸樸定神之旨歟彭澤辭令作歸去來得
所居矣以卜為桃源託言漁人即漢陰丈人意且言避秦者秦
之先三代也不可一世三代與稽故曰不足為外人道也仲長
思老氏之玄虛情見乎詞矣逸少謂欣於所遇快然自足則豁
谷何啻焉景綸氏引首云山靜似太古太古非三代耶亦見三
代即在人間耳是皆自負与三代人品相埒于是寓之著述令
千百世後高其風而誦之李公有古之心覃精大業入世出世
難於神照間定或當於心合於意借羣賢之文抒寫胸次胸次

不覺於此逗漏嘗觀季公佩印曰身世莊生蝶行藏老子龍則
遊於自然也亦猶夫三代也儻季公非予言更當非余字畫

水壺道人王謙

金壺印

含英東壁

樓上聽春雨悠然似古初落花紅映席芳草綠延除把酒能
諧俗揮毫喜作書漫知老名士經籍富留畬 至正廿又二

年三月會稽楊維禎

撫

產錢

王水壺博學多聞文章品誼為世所重尤以書法見稱此十
幅字跡真行間出具徵實力復得楊鐵笛詩跋益增嫵媚矣

吳郡彭年

彭年

答題王水壺墨寶無上神品墨井道人珍藏審為墨井真迹
楷洗去墨井二字尚隱約可辨

虞伯生書飛龍亭記冊

紙本十四開又半共二十九頁頁高七寸七分潤四寸五行
九字烏絲方格注寸楷書筆意遒勁有六朝遺法且帶隸

古緣萃錄

易二

十一

澄蘭室

意前有小隱山農嘉善周氏福禮堂三印後有武林顧氏中
球二印

飛龍亭記

昔者文宗皇帝之在潛邸東南海嶽湖江之上車
轍馬足有所至焉則守吏民庶興感榮幸隨而表之以識其愛
慕之意既登大寶自天光日華之所被及山川草木與有榮耀
則必有所述以示乎天下後世若集慶路大元興永壽宮之飛
龍亭其一也亭成久矣而宮之住持道士勅賜虛白先生臣陳
寶琳始錄其事即臨川山中求臣集記之亭本治亭宮本玄妙
觀集慶本建康路皆文皇帝所賜名也方在金陵時行邸去治
亭為近上時游焉一日傳命且至臣寶琳出宮門迎候適時從

官已奉御供具及門則知上已至治亭久矣引鍾山之形勝俯
城郭之佳麗顧瞻徘徊悠然有化育之治焉從臣以寶琳見上
笑曰道人何避客之久也寶琳頓首俯伏請罪上曰山徑幽雅
取便而至宜爾之不知題治亭者虞集今何在也皆對曰今在
翰林充學士命王僧家奴模而觀之因藏諸篋問寶琳何以字
玉林也則對曰道士燒金石為丹湏抽鼎中狀如瓊林玉樹故
取以為名上曰當雪時吾登此亭目力所及樹木皆玉也豈不
易知乎更謂之雪林後臨御別書雪林字賜近臣趙伯甯而寶
琳仍字玉林矣謂寶琳曰吾出游數勞人不如山行之便可作

柴門嚴扃鑄以待予之往來自是數至寶琳野人見上之樂而忘其微賤或持酒引裾留上上欣然為留亦不責也天厯己巳寶琳與其宮之住持趙嗣祺朝京師始製先生碑以賜金陵道士之嘗得見者嗣祺曰虛一先生寶琳曰虛白先生得之者纔二三人耳蓋異數也時賜新宮名而治亭名飛龍矣明年之三月廿五日臣集侍立奎章上顧謂曰汝猶憶治亭乎亭為松當加長茂臣集對曰臣集到治亭時猶未種松也上曰朕游治亭見卿書以為繫千載之思實朕懷因命臣集書宮亭新名以賜而寶琳持歸賜南御史臺錢若干新其宮所謂治亭既名飛

龍加飾楹桷置御榻其中重覆而謹視之別作亭其下仍曰治
亭羣臣公卿大夫之賦詠咸在又為亭以當鍾山之秀名之曰
鍾英宮成行臺御史大夫中丞以下及郡縣守吏咸集於此以
侈天子之賜矣嗟夫亭成至于今十有一年而文皇帝之棄臣
民將八年矣微臣辱在草野未先朝露詎能為瑤琳執筆以述
恩光之萬一哉於惟今天子仁孝純至勛華相承羹牆之見無
間遺思文皇帝神靈在天陟降上帝雖曰不可度思而日月所
照霜露所隊願懷下土於萬斯年臣民之瞻仰烏有窮已乎臣
集敢不述事亭石以昭示於來者 至元五年歲在己卯十有

一月戊辰日南至前奎章閣侍書學士翰林侍講學士通奉大夫知制誥同脩國史臣虞集謹記

飛龍亭詩集序 古之言詩者自其民庶深感於先王之澤而有所發焉則謂之風其公卿大夫朝廷宗廟賓客軍旅學校稼穡田獵燕享更倡迭和以鳴太平之盛者則謂之雅飛龍之亭我文皇帝昔遊之地也臣民詠歌何有間乎然而中外大小之臣因登覽斯亭而有賦者在是四方游士与凡民俊秀之覽觀而有賦者亦在乎是大元興永壽宮住持勅賜虛白先生陳寶琳既以旨意作新斯亭又取其風雅遍刻於亭下所謂繫千載

之思不在於斯乎傳曰言之無文行而不遠詩者文之最深而風雅者又詩之盛者也文皇帝成功盛德如天地之大日月之明若其治化之精微思慮之熙廣故舊侍從之言金匱石室之典蓋不勝紀焉然而書諸簡冊者闕不如見於詠歌者之悠長告於神明者嚴不如播諸臣民者之周浹然則所謂飛龍亭詩集者山林畎畝之士不忘其君于無窮者其在斯乎次第成編而前奎章閣侍書學士翰林侍講學士通奉大夫知制誥同脩國史虞集為之序

是冊為韓幼安所藏無後跋簽上題數行今附錄之
此冊楷灋純用隸寶直逼晉魏昔人以元代書家推尊趙子

昂為第一若以此冊觀之則虞文靖書格超邁前賢下視子昂如泰山之於培塿矣 幼安題識

此虞文靖公六十有七歲時所書極矜鍊淵深之作 幼安書

王孤雲帝王名賢事蹟圖卷

絹本工筆設色高八寸六分長一丈六尺一寸四分計十段每段下均錄原典一則小楷書極工畫上細密布景設色無不入妙卷首有兩半印不可辨

第一段文王黷倉府賑鰥寡孤獨文王坐松陰下太王侍立一執扇立後一捧祿兩童子一提榼俱旁立鰥寡孤獨携杖挈筐領賑共十六人倉中一人斛米以給

文王問於呂望曰為天下若何至 文王即於是日發其倉府以

賑鰥寡孤獨

第二段成王翦桐封弟成王立桐樹下手執桐圭史佚唐杜相向若揖一童子捧祿立後宮女九人或執扇或捧爵或舉

壺皆侍後

成王與其弟封虞削桐葉至封封虞于堯之故墟曰唐侯

第三段晉文公与楚戰繫履山坡轉處文公席地結履左右
八人皆甲冑而立二執旂一執旄一執戟又執斧執又者各
各一挂刀者二一戟卧于文公旁餘九人乘馬或橫刀或擐
旂或執槍在山坡外更有傘蓋槍枝隱隱露出

晉文公与楚戰至是以難之也

第四段孔子觀太廟金人廟階祀下一金人上覆古樹一株
至聖拱立甬道旁弟子五人從

孔子觀于太廟至此言雖鄙而中事情

第五段龐參候任棠參榮蹇至門下一人捧袂隨二人一捧
槃一執東驢旁四人一捧檣一捧尊一携杖一牽驢棠立門
外抱小兒左手舉盃及大薤一本

龐參字仲達 至欲吾開門恤孤也

第六段魏照師事郭泰堂榭僚曲一榻橫陳旁設几案周以屏障供設書畫古器屏障上畫雪景山水中懸一幅山水類子久林宗坐榻上一童在旁研墨一童捧茶甌一童拱立即照也後有二童一捧書一捧畫窓外梅花一樹斜映闌前景致清絕

郭泰字林宗 至惟其所染耳

第七段范雲送太子觀獲稻柳岸停車竹垣散步太子著杏黃衫雲立于右一人掌扇一童捧畫一人捧祇左右侍農夫四二刈二肩車側三人又一童捧書

范雲南齊時為記室 至文惠改容謝之

第八段唐太宗教射殿廷便殿整肅太宗立階上二侍臣左右執弓立鵠樹一槍五人在階下習射殿下左角一鼓二人

掌之二人持仗立旁殿中一椅二宦者為立候鵲下則二矢墮地焉

唐太宗引諸衛卒諭之曰至太宗親臨比試

第九段唐玄宗臨鏡不樂殿宇闕麗玄宗撫鬚外向立一人捧鏡向上右宦者四人一捧袂一捧畫東向立一在階下左則二宦者一執扇西向立窓後宮女六人席地坐嬉陸內几案上書畫古器橫陳又一童子捧書自砌下來殿角湘簾垂處露出翠竹一竿尤為清絕

唐玄宗嘗臨鏡默然不樂至豈可愛一身而忘天下乎

第十段宋開寶遣宮人殿角門啓太祖中立宦者執扇立後二宦者一捧錢一捧篋門外二宦者皆捧銀絹一官携一童迎接院中宮人十或跪或立俱作領絹叩稱萬歲狀

開寶五年春大雨河決至晉等皆稱萬歲

延祐元年春三月既望臣王振鵬百拜敬畫謹書

此卷予得于中州姚氏所藏後于京師見一卷乃宋畫院劉松年作畫與題識與此卷悉同知孤雲此卷實本松年其畫法稍異處劉卷工細不及此卷人面渲染皆分濃淡劉卷則否惟然正見宋人畫法高于元人處舉筆不忘規諫宋元畫院中猶存古意劉卷絹素已剝落且議值未就遂置之二卷得其一已足耳

高房山山村隱居圖卷 瓶麓齋舊藏

紙本水墨高七寸九分長二尺八寸三分峯巒濃厚雲樹迷濛筆墨渾成氣韻浮動子昂所謂元氣淋漓者也前有南海伍氏南雪齋秘笈及印儼荃審定德畬審定三印後六伍氏三印趙跋二行在卷尾可當題款此卷載清河書畫舫諸跋皆同惟缺見心老人詩宋學士跋二則余于後補書之

孝敬所作山水真杜子美所謂元氣淋漓者耶仁近得之可為

平生壯觀也

孟頫

趙氏
子印

大德初元九月十九日清河張淵甫式車會高彦敬御史于
泉月精舍酒半為予作山村圖頃刻而成元氣淋漓天真爛
漫脫去畫工筆墨畦町予方極遲塵土無山可耕展玩此圖
為之悵然而已南陽仇遠仁近

我家仇山陽昔有數椽屋誤落城市間讀書學干祿井枯竈
烟絕况復問松菊如此五十年一出不可復高侯邱壑胸知
我志幽獨為寫隱居園寒溪入空谷蒼石壁危構白雲養喬
木向來仇池夢歷歷在吾目何哉草堂資政尔餘不足視吾

吾尚存吾居有時卜

山郭居士

我昔游七閩百嶺爭截業白雲漲川原深谷如積雪又游天

姥岑幽磴緣曲折長林翳寒日十里行落葉轉頭五十年遐
想正愁絕開園意忽動懽恍生內熱何當架松广分我翠一

疊弁陽吾所廬見謂山水穴漂零愧楸枿歲月老薇蕨平生
阮遙集足痹屐齒折何年賦歸田初志遂所慙懷哉復懷哉

清夢繞林樾

弁陽老人周密

周密章

董父

南陽先生列仙癯舊任仇山雲一隅平生廣文官既冷投老

與二

七

澄蘭室

澄蘭室

古緣萃錄

七

七

澄蘭室

故邨田已無唯留詩卷在天地清名正似孤山通我時總角
山之後每操几杖送宴娛百年豈獨前輩盡而我今亦形容
枯槁霞嶺空悲拱木泉月庵廢愁寒蕪忽披遺墨重拜想
見五老風流俱人生有情況多感坐念往昔健欲濡白醢浩
蕩不復返黃鵠一舉安能呼高侯筆力何所如前身朱方老
於菟故能宵次吐巖壑但怪滿紙風煙麤安得好手為一摹
著我中間茅屋孤君其寶之勿輕出便是米家驚倒園
山村園卷故尚書高克恭彥敬為御史時為仇先生作于月
泉精舍精舍乃故漳州金判張逢原淵甫之墳廬淵甫即
曲外史伯雨之大父也先生一為溧陽教授即不仕仇山在
餘杭溪上曰號山村民栖霞嶺在西湖北山先生墓焉弁陽
則艸窗周公董之別號弁山在武康溪上先生耆師也大德
初元年甫十有一常沒先生出入諸公間今逾卅載矣景甯
尚書得此卷以屬題傷年運之既邁感事物之非昔愴然于
懷以序卷末庶幾覽者知四三君子文獻之可徵也至正昭
陽杰奮若夏五之望河東張翥謹書于京師所寓唐游軒

張氏

仲舉

張氏

仇山有遺老白首慕林屋塵廷謝簪組雅志不為祿惟將西

湖水去灌南陽菊舊藏房山園幽意時注復人皆愛毫素此
興渠所獨斯殺世少遺響在空谷蕭條異代間不獨悲草
木嗟予亦何心對此還駐目平生不識畫賞此一詩足茲山
幸吾鄰老矣願終卜

舜臣殿誨藏山水園云高尚書所為

仇山村作者仇詩在焉予愛而和之予嘗為舜臣題画有與
子坐結東西鄰之句不一年果協隣卜殆亦非偶然者故於

此詩再致意云成化乙巳春三月既望翰林侍誨學士長沙
李東陽書于懷麓堂

李東陽印

雲氣濛濛繞澗浮眼明誰辨數峯頭深林茅屋依然見應是
前村雨脚收村居隱却通舟中有山人舊姓仇二百年

未遺墨在令人欲作武陵游元仇仁近先生自號山村高
房山尚書因為作此圖今吾僚友尹君舜臣得之以示予為

題其後而識之歲癸卯七月廿六日長洲吳寬書

吳寬中吳寬印

春山擁春雲蕭然失茅屋下有幽貞士冥心謝榮祿卓哉淵
明志夫豈在蘼菊李愿盤中居深繚而復亦有杜陵翁長

鑣劇黃獨豈無終南途不博王官谷仇山在何許村居迷灌
木乃令千載下開圖見天目青山卧有餘白雲看不足願言

往溪之不疑我何卜 仇仁近名遠錢唐人前元老儒也
山村居士高尚書為作山村隱居圖仁近自題其後頗示不

遂隱居之意然易世之後此圖遂傳為故事則亦何恨哉自
大德初元丁酉抵今嘉靖壬寅二百四十五年矣企仰雅懷

因追次其韵 長洲文徵明 文徵明 衡

高尚書為山村先生寫隱居圖有趙松雪周公謹張仲舉見

心老人題跋宋景濂吳範庵李東陽文衡山俱和山村元韵
蓋重其不仕高節不獨以高畫長其聲價也高以董源為師

此圖幾与米襄易父子爭席余浮觀兩度因記數行以附不

朽 陳繼儒題 儒

按書畫舫宋景濂無詩吳範庵題二絕句皆非和山村韵
雲氣日蒼茫何處詩人屋迢迢五百年芳荃幾懷祿與為謝

安草甯種陶潜菊胡各競冥升而不凜迷渡我愛仇山人自
矢寤寐獨况有高尚書為寫烟霞谷小隱居山樊晚節羨林

木本非軒冕才幸有游觀目無田畝不歸二疏戒知足興未
臨此圖預證還山卜 道光丙申九月十九日戲臨此圖并

和仇仁近韵附于弓末以當跋尾吳榮光書于京師之渙貞
船時年六十有四

高尚書夜山園及此卷最為傳世名蹟夜山園曾入分宜嚴相國家嚴氏籍沒時園已失去僅存卷後題咏此卷楮素完好墨韻如新自松雪以下諸名人詩跋按之清河書畫舫並眉公跋語所記惟軼去見心老人金華宗學士兩家餘無關失非有神物護持不至此光緒丁丑九月楊慶麟識

潘德畬一跋葉東卿觀款未錄
昔我來虞山葺有數間屋十載春明游思許沾微祿簪滄上苑花荒却陶園菊秋風荏鱸思此意時往復扁舟一棹歸古有今非獨緬波山邨民遐心志空谷隱居不得遂辜負仇山木我迺憇田園卷軸羅胸目時披此園快然意自足若問出山雲除是為霖卜光緒丙申九月廿九日和仇山人韻偶題此園距荷屋先生題詩時正六十年而距大德丁酉正六百年後之題者又屬何人邨松年并識
此卷曾入寶笈有御題兩段見阮文達石渠隨筆不知何時賜出流落人間卷中御題不見云無名璽則又疑為人竊出割去兩跋云安知非同時所佚耶

高房山雲山大軸

絹本設色高四尺三寸二分潤二尺七寸五分著色濃厚元氣渾淪雲樹迷茫峯巒層疊臨水一村落茅舍竹園境地清幽波間雙舟蕩漾一橋中橫隔水人家在烟水蒼茫之外房山傑構也下角有子京四印鮮于太常題在畫上有天籟閣四印款在左角上工楷

皇慶元年仲夏房山高克恭

高氏房山

發

雲山一派雖濫觴于王洽而創思極致則自米南宮父子始觀其縱筆濃墨能令烟雲騰湧山巒蔚蒼氣象宛然真畫中奇觀也米氏而後鮮有繼其踪者惟房山高尚書能得不得之秘妙高公字彥敬西城人才敏學博早仕春郎有能名出為江淞省左右司郎中遷為刑部尚書建言子不得證父妻不得證夫奴不得訴主至今著為令善作詩有唐人意度作樂府亦清麗絕俗嘗記其警語云無限飛紅隨高下春光更比路人忙又云吳山青越山青兩岸青山相送迎其它槩可推矣公有子名樞為紹興路同知曾以尚書文集請予作序遺予此幅覽其氣韻生動洵可抗衡南宮也不揣固陋敬賦

俚詞識之 房山居士高使君系出西城才超羣中原文獻
紹遺緒苑苑書畫留清芬辭官已蜀讓僚友此事今無古或
聞北遊易水訪陳迹但感宿草迷荒墳霜臺執法世元勳貽
我青山之白雲巖峯秋色共吞吐絕壑雨氣何氤氲奉常休
沐少塵軌耽玩忽驚西日曛天台匡阜多勝地南紀晝夜纏
妖氛挂冠神往定何日寤寐耿耿心如焚 至正十五年秋
九月既望書于困學齋中無印
余藏有南田草衣仿尚書夜山圖真點与此幀並觀乃知此
筆墨渾厚非後人所及也
山邨圖以渾脫勝此幀以深厚勝皆尚書絕無僅有之迹

曹雲西仿董巨山水卷

紙本水墨高一尺一寸四分長七尺九寸四分奇峰峭壁峻
坂危坡豐草長林山重水複畫筆在董巨之間頗多蠹蝕補
筆尚不惡無款尾角下有曹知白朱文印極佳前有式古堂
書画印此卷予弟得之余審為真迹後有瞿忠宣跋尤足為
是卷增重

董巨一派惟雲西老人獨得其傳而筆墨淋漓尤極揮霍縱

橫之勢故同時倪黃諸公尤將退舍避之況後人乎此卷千
峯萬壑蒼茫鬱蔚元氣歟蕩靈機湊集恍乎陟空同之區睇
滿湘之野可謂觀止矣余嘗竊謂人世賞心之物莫如名繪
而亦惟氣韵生動筆有化工若斯卷者始足令人目眩而神
移此即求諸古人中亦豈可多得哉 丙子初秋稼軒瞿式
耜跋

瞿式耜印

曹雲西古木脩篁軸

紙本水墨高二尺五寸四分闊一尺三寸八分一峯高聳雲
氣模糊茅屋數椽脩篁萬个兩面坡陀上古樹參天木葉盡
脫時屆寒冬生意斂藏其氣象可於畫外得之下角右有侯
峒曾印快雪堂圖書印葉夢龍二印潘仕成一印左有孫承
澤印竹朋鑒賞韓榮光印款在左角上題詩在款前

至正庚寅秋八月雲西老人為克用寫古木脩篁圖

雲西老人

老樹脩篁入早秋蕭蕭疏影晚窓幽山雲收雨斜陽好一段
真情屬臥游 塵湖山人倪中

盛子昭秋江待渡圖軸

紙本水墨高三尺二寸一分滴一尺三寸二分溪山平遠林木蕭騷岸上一老者携一童肩琴書坐地上待渡對岸一舟載數人搖櫓而東蘆雁驚飛風來樹杪寫秋江景色極為清幽曾入御府有乾隆御覽之寶五璽 御題七絕一首款上有丹誠印右角題下有真賞印下角有耿信公等五印又珍祕宜爾子孫宗家重寶長宜子孫四印李君實一印攜李季氏一印又一印有晉侯二字下關鈴縫及後上有筴江上三印款在左上上題詩五首

至正辛卯歲三月十又六日武唐盛懋子昭為肉西作秋江待

渡

懋子昭

長江萬里水悠悠兩岸蘆花一色秋有客松陰凝望久浪花吹雨洒船頭 四明莊廣義 雜氏

江上秋高白雁飛江頭老樹受風敲天昏日落行舟少正是歸人待渡時 劉公叙 叢桂堂印

古緣萃錄

易二

廿一

澄蘭室

携琴何處客坐石自盤桓多士乘舟棹羣鴻振羽翰澄江秋色淨古樹翠陰團料得歸耕叟幽棲歎遺安會稽俞英字秋披圖懷畫史筆力興何濃晚岫歸雲盡風林落葉重渡頭人兀沙上雁雖宋玉秋多思閑聽江浦鐘瑩玉菴釋印夢瑩

坡玉澄江注天影萬古秋一碧稅駕沙樹根歸心水雲急風高雁初起烟岫橫暮色孤舟招不來誰能寫中鬢老圃觀光國士

陳良璧秋江待渡圖軸 瓶麓齋舊藏

絹本工筆青綠高一尺八寸八分闊九寸八分層巒四面城關中開兩岸策蹇肩挑注來絡繹一水盈孤舟買渡画筆工麗坡石皆以金鈎青綠濃重稍有剥落而殊覺古厚題款左角上

丹楓映江潮落早斜陽影裏鳬鷺小白雲飛盡碧天空江鴻一聲波渺行人悵望來沙頭歸心如箭不少留眼前幸尔風浪

靜舟渡遲、且莫愁 陳琳

錢舜舉秋江待渡圖卷元賢題者十有五人陳琳良璧題次第十二所題即此幅上方詩也元人題錢卷詩內有芙蓉插天金陸離及青山植圭璧崇厓耀金紫等句則錢卷為金碧山水此良璧所作小直幅或題錢卷後以意仿之而仍錄前詩耳詩筆極佳與畫稱元人不可多得者又趙鷗波亦有秋江待渡圖大德十一年為村固作有張伯雨題七絕圖為中挂幅并記 伯榮 吳榮
吳題下有季彤秘玩河陽潘氏書画二印而吳印下有季彤翰墨一印然季彤乃潘非吳也
霜林葉醉秋風早江天空曠扁舟小夕陽倒映散朱霞城闌參差波浩渺此時人來古渡頭且為招、足少留須臾颿挂連彼岸欲濟無舟使我愁 光緒戊戌息盦次均題後

柯丹邱枯木竹石軸

紙本水墨高三尺七寸闊一尺二寸五分枯樹離奇野竹飄洒巨石疊起豐艸盈坡畫筆極為老橫右角下項子京印二

不佳又有博爾都等三印款在右角上

丹邱柯九思為子明兄作

柯

王若水梨花大軸

瓶麓齋舊藏

紙本水墨高七尺八寸五分闊二尺八寸五分梨花樹一株烟
靄護繞半彎新月斜映枝頭此寫澹雲微月照梨花詩句也
葉皆雙鉤老幹新枝縱橫紙上筆力雄健非常兩角下有婁
東畢龍澗飛氏藏陳淮審鑒江上笄氏園書印三印潘延齡
健康共五印此幀外舅得于粵中書未述為宗帝所畫元画
宗帝本不為奇然如此巨幅數百年完好如新誠異寶也款
在右角下

若水王淵畫

王淵
之印

澹軒
居士

王煮石照水古梅軸

紙本墨筆高四尺闊一尺七寸梅花一樹倒影下垂老幹柔
條繁花細蕊隨意揮灑極參伍錯綜之妙題簽曰照水古梅
殆以此也有乾隆御覽二璽左角上怡親王寶右角下有怡
府第等三印左邊有竹齋小印上角寫梅中書梅先生傳款
上有長歌一首

踈枝錯落蒼翠爛政侶推蓬溪上省凍痕不剝五更霜蘚色猶
存百年幹孤山處士詩夢寒羅浮仙人酒興闌天荒地老行路
難誰傳春信來人間君不見江南物色今非昔大谷長林盡荆
棘歲寒無處論襟期生對雲山空歎息東樓女兒白紵歌西樓
美酒喚杏華縱有高人愛高絮踏雪誰肯來山家老我無能慣
清苦寫梅種梅千萬樹霜清月白夜更長每是狂歌不歸去只

今潦倒隼髯垂世情襟、俱忘機讀書寫字兩眼眇斷白搔墮
隨花飛轉首江山隔塵土白月流光隼鶴舞一聲羌笛過南樓
銖石心腸亦淒楚安得喚起陳元龍長船滿載玻璃紅浩歌拍
：隨春風大醉驚倒江南翁 乙未秋八月望前一日會稽山

農王冕

王元章

竹生
圖書

會稽
佳水

梅先生傳 先生名華字魁不知何許人或謂出炎帝其先有
以滋味干商高宗迺召與語大悅曰若作和羹尔惟鹽梅因命
食采於梅賜以為氏梅之有姓自此始至紂時梅伯以直言諫
妲己事被醢族遂隱迨周有標有者出仕其實行著于詩垂三

十餘世當漢成帝梅福以文學補南昌尉上書言朝廷事不內
太隱去變姓名為吳市門卒云厥後子孫散處不甚顯綠林盜
起大將軍曹操行師失道軍士渴甚願見梅氏梅聚族謀曰老
賊垂涎漢鼎人不避之吾家世清白慎勿與語竟匿不出奕葉
生萼、生蕊、生華是為先生先生為人脩潔洒落秀外瑩中
玉立風塵表飄然真神仙中人所居環堵竹籬茆舍蕭如也
東西行者過其處必徘徊指顧曰是梅先生之居勿翦勿除谿
山風月其與之俱乎先生雅与高人韻士游徂徠十八公山陰
此君皆歲寒友何遜為揚州法曹掾虛東閣待先生先生遇之

甚善相對移日留數詩而歸唐丞相宗璟平生鉄石心腸不輕
為人題品獨為先生賦之其見重如此天寶大厯間杜甫客秦
山解后先生于風雪中巡檐索笑遂為知心每語人曰某在遠
道無可人與得梅先生亦少憫焉甫為一代詩宗心所賞好則
衆口翕然於是先生之名聞天下清江成都羅浮庾嶺孤山石
亭野橋谿路之濱山店水驛之側遇會心處輒婆娑久之好事
者爭攀挽過其家甚至圖寫其像朝夕瞻玩或以油面土壁屈
致先生將之射利先生亦為開心吐露或為先生歎非其所先
生曰苟不盤根錯節安能以別利器知先生者敬愛愈重錢塘

林逋眉山蘇軾咸以詩歌美之蓋凡大夫士欲以片言行者必
托先生藉口苟非先生之為容則語言無味百世之下聞其風
而高之王沂公曾居要路持魁柄高下人物許在百花頭上由
是緋綠纍纍至于今不墜先生性孤高不喜混榮貴以酸苦自
守雖遭摧挫處之泰然忽一夕聞高樓羌管聲乃淒然有感曰
吾不能效桃李輩趁時故際窮年風餐雪虐而零落如此奚憾
焉烏乎梅自大林之後曠數百載無聞人繇唐至宋稍盛流派
蕃衍分南北兩枝世傳南映北寒先生蓋居于南者也先生諸
子甚多長曰實操行堅固人謂有父風味異居南京犀浦者口

黃姓其餘別族具載石口世譜 太史公曰梅先生翩、濁世
之高士也觀其清標雅韻有古君子之風焉彼華腴綺麗烏能
辱之哉以故天下人士景仰愛重者豈虛也耶

款下洗去數字未解其故詩首一行下一印傳起首一印皆
不可識傳首行下有子孫保之一印

黃子久淺絳山水軸 瓶麓堂舊藏

紙本設色高四尺三分滴八寸二分上段孤峯高聳危崖四
出下段溪亭隔水屋舍依山林木槁梁安頓得法尤奇在鈎
勒平直皺處無多中但飾以淺絳而或如瓶或如壺如孟凸
凹紙上孫見古厚右角下有素業齋印左角下有李東審定
印款在左角上

大元至正二年黃公望作于江上亭時九月既望

黃公望印 子久

此幅初披時頗疑之諦視筆力奇橫畫意簡率固非大作家不敢如此雖三王所仿其氣息猶能及之若縱橫奇瀾固未達一間也

黃子久倪雲林合作溪山深遠圖軸

紙本水墨高四尺闊一尺二寸四分下幅雲林竹樹亭子坡石平鋪簡淡蕭疏倪迂本色上幅峯巒秀潤烟樹迷濛溪橋斜橫山閣高敞氣韻極生動是大癡細膩之作右下角下印渚鑒藏印左角有海槎珍賞茅齊玩賞子久鑒藏書畫之印三黃款在右角上倪題在後用筆滿洒之至

一峯道人黃公望畫于清閟閣中

黃氏子久

大癡

至正十三年五月廿六日畫溪山深遠圖子久先生在坐見予雪版箋可愛同予合作此圖燈下我二人夜談并賦詩於上

燭髮榮、照酒明故人相對說平生前村古木三年別老大難
忘筆底名殘月池塘分夜色繞門楊柳度蟬聲不辭筆硯酬嘉
會去住江湖各有情 懶瓚無印

黃子久良常山館圖軸

絹本設色淺絳高五尺一寸三分闊一尺七寸山巒崇峻中
隔一溪林木陰翳水榭參差雖絹色稍暗而筆力雄偉元氣
渾淪宜香光居士欽慕不置也左角綾邊上有太原王遜之
氏收藏圖書印滄洲李氏收藏之印又埽花菴數點梅花天
地皆二印右角綾上有花酒道人痛飲讀離騷二印其絹心
下角有數印祇一陶字圓印可辨上眉有文敏題款在左角
上二行楷書

至正八年春三月為次方作大癡道人公望

一峰道人

予久良常山館圖舊為余郡徐氏所藏後跡睢陽表環中大
泰余曾從之借臨今閱三十年復得再觀如見故人俯仰今
昔感慨係之矣 玄宰重觀曰題 謹印 軒
按文敏臨予久良常山館圖載之繆太史寓意錄余此幅得
之同邑張氏雨生家雨生風雅好古書畫皆佳鹿樵先生後
人也而不善為官一權海甯以虧累死惜哉其子亦善畫

吳仲圭山水軸

紙本水墨高三尺九寸濶一尺二寸四分邱壑渾成點皴濃
密長松茂竹映帶有情波上茅屋一椽長橋橫跨山前瀑布
兩派飛來山外一峯高插天表氣象尤極雄厚曾入御府有
御題一詩及乾隆御覽之寶五璽又英和暨恭藏賜本二印
是賜照齋相國者右角下錫山華氏及孟陽二印皆不佳款
在左上角上

布穀聲中雨乍晴
巒光送爽到軒楹
山家風物清幽甚
但作歌

詩頌太平 梅道人戲筆

模花
盒

嘉興吳鎮仲
圭書畫記

吳仲圭山水軸

紙本水墨略設色高二尺四寸七分闊一尺三寸八分一峯中峙林木蒼蔚山下村落散布路迤隱遙入深際溪上漁舟懸曾三人於蘆灘淺處叉魚山色微渲淺絳樹色略施淡青人則點以鈎粉用墨濃厚皴法離披有一望無盡之勢右角下有靜心堂書畫印蓉峰等三印左角下有清森閣何元朗二印款在左角上

至正八年戊子秋九月梅道人戲墨

梅
花
盒

嘉興吳鎮仲
圭書畫記

吳仲圭山水軸

紙本水墨高三尺八寸闊一尺四寸二分疊嶂重巒長松蒼秀山中瀑布自高而下曲折到溪一人帶笠扶筇立溪橋上似觀瀑狀石壁高處山樓微露空曠可想至畫之筆墨深厚魄力沈雄一片烟雲浮動紙上兩見梅道人畫此為第一右角下黃氏淮東書院國籍一印左角下大宗伯章前攝白鹿洞主二印款在右角上曾題在左

白雲冉冉樹陰陰，隔崦松泉奏玉琴。最愛幽人讀書處，數椽啼

鳥落花深。至正七年冬日梅道人戲墨于鴛湖精舍

樵花
金盃

嘉興吳鎮
仲圭書畫記

杖藜游斷小橋西，雲滿溪山水滿堤。歸路未登詩未就，隔林猶聽竹雞啼。

曾原

曾原

倪雲林師孺齋圖卷

紙本水墨高七寸七分長四尺四寸八分。平山遠迤，疊石參差，屋宇三椽，竹樹排列，簡淡之中，殊見渾厚。在雲林已是極繁之作，紙色雖舊，極為潔淨，亦無印章，疊、題款在後。

徐孺新祠湖水濱，滄波蕩漾白鷗春。東都第宅埋烟草，南國衣

冠薦渚蘋華胄，能傳青史舊盛游。況喜綵衣新若逢，此士煩相

語蚤瑞今時作鳳麟 倪瓚並詩以贈伯樞茂學

師孺齋記 梁谿徐環歲晏將復省其親於口請於遂昌鄭
山人曰徐自得姓以迄于口千餘年矣其顯偉茂大者顧豈
口其人哉獨南州高士最為人所慕仰豈其功名貴富足以
使人歆豔哉其邈世無悶樂乎內而無慕乎其外且夫齒日
長而學不加進事日至而識不加遠是由中拙而外陋也鄉
嘗之江右拜高士像於精舍逮今敬慕不忘今復之江西往
返數千里深惟弱齡小生思所以齊戒儆省庶或免於罪戾
不貽親之憂夫跋而望之者不若親而炙之也勝復拜高士
之祠口矣請以師孺名齋如何山人乃為之言曰人之生言
行不同出處亦異故雲仲夷逸隱居放言而其人棄於孔
子矧南州高士哉夫高士蟬蛻汙濁之中鳳舉霄漢之上即
其孝弟忠信形之動靜語默又豈獨高出于一時一世可以
師表萬世者也環行矣至洪都之日既已即省署以拜其親
其復注東湖之上肅瞻儀刑挹其人之清風其足以庶頑而
立懦範世而矯俗則環之所以觀感而興起者本之以心術
之隱微見之于言行之章者形之而為孝弟發之而為問學

處而窮居不失為善士出而干祿思所以致身是皆師法高士之大致也於其行遂為之記以勉之江西文傳淵藪也是記質之傳先君子歸之日其有以復我歲晏為至正五年冬山人則遂昌鄭元祐也

端左 鄭元祐印 明德

環至洪都之日持此記為元祐往拜江西廉使劉相於賓階之下以展其鄉慕傾企之心耳 鄭元祐再拜

二月水生黃柳齊故人直往大江西船送孺子亭前過詩向滕王閣上題自有綠衣娛暇日更將緗帙事幽栖山青雲白

三千里應是相思路不迷 錢仲益

益仲

吾慕徐孺子高風百世師躬耕東湖上不為好爵縻三經既

兼綜百家亦傍窺聲名起南服閭里無拾遺安車且莫致府辟將焉為徒縣太守榻千載有餘思環也父子間文采多令

儀族大由遜綿玉研傳會稽感彼同自出景行方自茲晚修繼前躅高蹈良所稀 丙戌孟夏陳基書于淮海客舍

陳敬初印

徐孺子躬耕江南卑薄之域而薦當三輔公族之先安車立纁不若豫章太守一榻其人蓋可知矣大樹將顛之語惟郭

有道聞之謂之高士宜矣哉今朝廷清明野無遺逸伯樞妙學青年足為輔世之具迺以師孺榜其廬余非林宗不得

其說書此以待避雨者至云至正蒼龍丙戌四月望日華亭
顧祿堇中甫我冠亭書

顧

顧祿堇中

太常世家

徐環伯樞元季儒流倪迂為之畫尚左生為之記勝國諸名
公為之題詠意亦為行君子以孝悌名者耶客偶持示此卷
披其圖讀其辭恍然想見其人敬題數語於卷末以慰遐慕
之思云

長洲沈周

始

白石

雲林先生用意簡遠用筆輒高一竹一石已價重千古何況
此卷屋宇樹石無不著迹它幅以少為佳此又以多為貴余
生平不一二見真可愛玩其後題詠俱出名人手書畫臻極
詩文並妙足稱三絕矣

正德辛巳十月八日雅宜王寵識

西楚

王履吉印

雲林真蹟不多適去年觀于潤甫家所藏畫卷最為精絕此
卷筆墨神妙入微似猶過之仲口先生屬余志其後時戊辰
九月偕庵程嘉燧書

雲林子一木一石其價皆與黃金等覺李郭董巨烟江嵐翠
為徒多耳筆墨點染遂至于足殊有不可解者如師聽些國
蕭然豁達之外灑然心手之間弇州山人所稱似弱而老似
淺而深工力富多是為得意之作寔又過之至諸名人題跋

無不爛焉斐疊觀者寶之川南太史盟書

文獻

倪雲林秋梧草亭軸

紙本水墨高一尺六寸闊七寸一分碧梧一株脩竹數竿坡陀上結一茅亭間以枯樹帝墨剥落稍有補筆精采已遜實為真迹曾入御府有石渠寶笈及五璽右角下一印不可盡識題詩並款在上

翠口蕭：映碧梧一亭聊以賦口居杯浮樂飲思潘岳藻思口

江濯錦如辛口十月廿又一日知口口公見訪出素幘索画

目戲寫口口草亭後系之詩以贈東海口口

雲林人品畫品皆勝國第一流此畫贈知非先生者藏予家百餘年予十二歲時讀鉄崖集有大司徒尤公志始知知非為尤公別號雲林同邑人也嘉靖癸卯獲解南京而領解者為尤汝白首詢司徒正其八世祖也予遂捐贈汝白十二月

朔朱大韶識

倪雲林溪亭山色軸

紙本水墨高二尺六分闊七寸溪山幽靜林亭蕭疎雲林畫山多以平遠勝此獨出巖巒高聳皴點加密且畫松一株鉞釵重疊紙墨尤完好倪蹟中不可多得之品有項子京天籟閣六印題款並詩十三行字之多亦無出其右

至正乙巳閏十月五日因瓊野上人以此紙來需畫既為寫溪亭山色並書洪容齋所筆僧具圓復詩三首畫上贈之 灘散

嘈々雜雨聲舍北舍南春水平拄杖穿花出門去五湖風浪白鷗輕右送僧朝入羊腸暮鹿頭十三官驛是荊州具車秣馬曉將發寒燭燒殘語未休右送翁士特一篇云燒燈過了客思家

獨立衡門數暝雅燕子未歸梅落盡小窓明月屬梨花又吳門
僧惟茂住天台山一禪刹喜其旦暮見山作絕句曰四面峯巒
翠入雲一溪流水漱山根老僧只恐山移去日午先教掩寺門
甚有詩家風旨而或者謂山若欲去豈容人掩住蓋吳人癡猷
習氣也其說可謂不知音淨名庵主懶瓚書于蝸牛廬

王荆明松溪獨釣軸

帝本水墨高一尺八寸三分闊九寸三分峯巒平遠溪水淪
連坡上老松三株一叟坐船頭垂釣古兒古心令人懷想山
樵畫多以奇峰怪石長松茂樹見長此獨以清幽洒落取致
自條逸品然樹石點皴細密濃厚固不離家法也上有乾隆
御覽之寶石渠寶笈二璽右角下有京兆史貽直印子孫億
世家傳之寶三印款小篆在右角上

黃鶴山中樵者王蒙畫松溪獨釣

王蒙印

黃鶴山樵

王村明一梧軒圖軸

紙本工筆淡設色高三尺一寸闊一尺四寸三分高軒面水
脩竹依山一梧挺峙簷前高逾百尺一叟撫琴跌坐旁侍一
童四面巨石靈竒千孔百穴遍地秋花散落石拂左縈波工
小橋可通別館滿溪荷葉花過將殘梧竹花草皆用淺鈎點
綴整齊不以參差取致猶是唐宋遺法畫石欽寄尚未盡脫
本家面目耳有乾隆鑒賞淳化軒古希天子乾隆御覽之寶
三希堂精鑑璽石渠寶笈石渠定鑒寶笈重編宜子孫漱六
藝之芳潤十璽左角下有霞城真賞姚氏永寶二印款在左
角上前有題詩一首

至正七年孟夏既望黃鶴山人王蒙為呂良高士寫一梧軒圖

王蒙印

黃鶴山樵者

谿上茅堂宿雨收疎篁相對碧梧幽
湘簾薄暮涼風動併作吟邊一段秋
竹莊吳璫
璫之瑩

王芥明秋山蕭寺軸

絹本設色高四尺四寸闊一尺七寸山則疊嶂層巒危崖峭壁樹則蒼松翠柏綠樹丹楓屋宇則樓閣亭臺竹籬茅舍無不極其精妙而且烟雲環繞瀑布高懸溪草清幽巖花錯落筆墨深厚之中尤極羅、清疏之致雖絹素微損精神浮動山樵傑構也右角下有清森閣書畫印款在左角上秋山蕭寺四字小篆極有筆意

秋山蕭寺

至正甲辰秋孟黃鶴山中人王蒙畫

芥明印

王芥明仿洪谷子高山僊館大軸

紙本設色高四尺三寸二分闊二尺一寸峭壁千仞層巒複疊山峯缺處結茅數椽岑樓後葺竹籬前界復扉半掩童子候門臨溪水亭一叟靜坐其上對面瀑布直下萬派喧騰松影參天長林排列氣勢雄壯境地清幽右角下有黃鶴樵者

古緣萃錄

易二

三

澄蘭室

一印上有廣運之寶方璽左角下有蕉林居士北平孫氏硯
山齋圖書二印右角下有恆山梁清標玉立氏圖書綾上有
清河張若靄晴嵐氏珍翫之章款在左角上

芙蓉削翠入空濛寫出東南第一峯欲向此中覓佳趣臨風長
嘯依孤松 昔洪谷子作高山僊館曾作金章宗御府祕玩筆
力奇偉不可以畫家蹊徑求也拙作鄙野聊寫一時之趣耳

黃鶴山中人王蒙

明 王蒙

王村明松陰茗話圖軸 瓶麓齋舊藏

紙本水墨高三尺六寸五分闊一尺五寸四分奇峰聳秀邱
壑靈空瀑布中縣一落千丈山前松陰稠疊三人生松下茗
話一童煎茶兩童捧琴書林木清潤岩岫蒙茸是夏日雨過
山中之景右角上有靜趣二字印下有錫氏廷美潘氏連善

七印左角下有太原伯子岡齡氏賞鑒觀其大略二印款在左角上

至正廿七年春三月黃鶴山人王蒙

王蒙
印章
明

上肩有陳道復題語不佳未錄

[illegible]

澄蘭室古緣萃錄卷三

古虞 邵松年 輯

明

徐幼文林亭秋色軸

紙本水墨高二尺一寸六分闊八寸五分峯巒勢聳林木陰
濃松蔭滿山清泉一道坡上一茅亭一人扁舟依岸有放浪
江湖之意明初人畫法多用乾皴筆致細密已漸變元人雄
厚之氣然鈎勒猶近大癡特魄力不及耳曾入御府有石渠
寶笈五璽 御題詩一首左角下有東海壽春堂二印款在
左角上薛題在右

林亭秋色 洪武丙辰九月蜀郡徐貴畫

幼文

獨掉扁舟載夕陽好尋詩句下橫塘白鷗解識人幽意飛過
蘋花蹴水香 宣德二年夏五月河東薛瑄

王孟端松石圖卷

紙本水墨高八寸七分長一丈五尺二寸凡十接蒼松十數
株蟠屈離奇巨石數拳峻嶒兀突石隙清泉直瀉坡間小草
榮粵老幹龍鱗針釵復疊生氣勃鬱筆力老橫卷首有綠谿
山莊收藏之印秀水唐氏荃林曾觀吳平齋審定真跡見省
三之印程慎義觀六印隔水綾上題王友石松石圖真跡神
品下有謝希曾印東山書畫印二印卷尾有二百蘭亭齋鑒
藏唐作梅北枝生貝壩四印隔水綾上有阿曾秘玩安山子
吳郡謝希曾孝基氏審定三印接縫處皆有艸石小圓印款
題在卷後

洪武二年春三月九龍山人王紱為幼霞高士作

孟端

半潭秋
水房山

王孟端松石卷如猛獸奇鬼森然欲搏人雖未泯怒張之迹
然拔山神力可使千夫辟易矣文徵仲題跋畫亦蒼勁有法
丁未初夏王子備五舉以見昇乃識數語而藏之時則閏四
月四日也采葺堂朱子祚明

祚明印

友石先生人品才華超越庸流故其胸次不凡此卷雄古奇
怪筆如游龍非神乎其技者安得有此膽力自明及今畫松
者咸宗法先生習其皮毛遂流為俗品譬諸蘭亭自古臨摹
誰識右軍真際要不當以臨摹之不善遂誣及蘭亭也 丁

卯夏四月安山記

謝印
希魯子安

思翁題友石畫卷云王中祕畫皮畫骨兼畫神一展卷而寒
烟噴霧拔石迸天颯然真不啻蛟龍起而風雲集也是卷
神趣頗合特為拈出書之畫後文公跋雖失思翁此語足為
之生色矣 庚午季秋希魯書

注在都下厥肆得虎林陳氏采荈堂詩選四十二卷愛其精
博而無由悉其人之生平後閱杭堇浦太史道古堂集云陳
祚明字允倩勝國之遺民也晚歲自號稽留山人人之稱之
者六僉曰陳山人故明侍御陳元倩之弟侍御殉國難有老
母在山山人奉親偕隱河渚教授生徒以資甘旨之養孝友貞
亮遺世而獨立會其故人嚴侍郎灝亭胡少宰宛委其門人
翁學使蘿軒仕宦京輦疆之出山人迺襍被奚囊沒三君子
游都官文燕必延山人山人五官並用掀髯一笑屈其座賓
采荈堂者山人讀書之室也好為詩援筆立就不屑作漢魏

以下人語其趣嚮之於古賢可以相方者晉則陶彭澤唐則
孟襄陽而明則謝茂秦也余辨香采芣廿餘年今始見其手
跡特詳記之以附茲微南幽之義九龍山人松石之妙烜赫
照世何待余言光緒辛巳正月下弦愉庭主人招飲聽楓山
館出跡此卷回題 南園野褐李鴻裔 壁齋

王孟端山水軸

紙本水墨高二尺四寸八分闊九寸八分邱壑幽深皴點細
密上半峯巒綿互中現古剎有橋亭駕于瀑布之上流泉直
瀉前溪左阜一小亭右巖平處樓閣掩映崖下復結一亭溪
水清連林木蒼鬱幾椽水榭一片踈篁有林密山深之趣右
角下有潯陽仲子薌岩珎藏薌岩秘玩之章畢瀧審定泚洲
四印左角下有竹癡秘玩畢瀧審定薌岩鑒定謝林邨珍藏
書畫四印款在右上

前山後山蒼翠深大樹小樹寒蕭森不知何處打漁者日暮泊

舡溪水陰 鰲叟

山陰道人

萬古山川一鏡開層々曲々見樓臺雲隨曉月風前墮鷗逐
春谿樹裏來兩岸落花人蕩槳半汀殘雨客銜杯寰區何處
有此地物外四時無點埃豈但右軍多筆法要知黃石是仙
才奔灘觸浪飛頰鯉絕壁凝嵐護翠苔玉室金堂疑太華紫
芝瑤草憶蓬萊相看六月不知暑一榻清風真快哉 吾弟
王孟端學成於己而德蘊諸中三餘之暇工畫即高出人意
表雖古人不過也黃君耕洪吾之至友也書無不讀而術無
不精雖醫卜耕稼之術亦用心焉今觀孟端為耕洪畫此畜
筆法高古用意精深一幅之間而衆妙咸備豈二人道術相
忘不求工而自工耶抑豈道術眼相燭不敢相欺致如此之
精耶嗚呼天地之間未必無荆玉也卞氏之不生耳大抵有
卞氏則荆玉自然出矣二君子好古而尚志趣清而才廣豈
無識之者苟有識之者則知吾言之不妄媚矣 洪武丙子
耐軒居士王達 王達

古緣萃錄

易三

三

澄蘭室

此慎載書畫誼款題二段皆有惟鰲叟暨山陰道人是否孟
端別號他處未見抑孟端本無款識而耐軒題之鰲叟直另

一題畫者存以待攷

陳惟寅谿山仙館圖卷

紙本水墨高七寸八分長七尺五寸九分起手遠山隔岸老樹橫坡溪田縱橫扁舟垂釣蘆花點水雁落平沙隔水山坳人家一簇中路峯巒漸起松蔭參差澗斷坡平樓閣競澤長廊曲檻排列整齊小橋前橫脩竹後植更有竹籬茆舍點綴於長林豐草之間所謂仙館勝境也後幅山勢奇闊岩崖峭拔飛泉萬派皆泛山隙怪石上匹練而下危崖孤峙石板橫通亭內一人坐觀瀑布境界疑非人間所有至畫法細密皴擦入紙的是明初人派題首四大字溪山仙館款劉珏有劉珏之印完庵二印畫上乾隆御覽之寶石渠寶笈古希天子石渠定鑑寶笈重編乾隆鑑賞三希堂精鑒璽宜子孫共八璽又嘉慶御覽之寶一璽卷首下角攜李曹氏珍藏季青鑑堂天水郡收藏書畫印記恩齡秘玩四印下角恩齡精鑑印其一淡極不可辨款石卷尾上

谿山仙館 陳汝言作

陳汝言印

惟寅

戴文進靈谷春雲圖卷

絹本設色青綠高九寸長三尺五寸四分羣峯環峙飛瀑爭流結屋山坳高松排列一叟携童子在前坡遠眺二童携琴書出柴門來松迳苔深茅檐雲護覺野花雜樹倍極清妍對岸遙巒挺秀孤閣高撐烟水蒼茫益增逸趣峯首有宜田葫蘆印隔水綾上有蕉林書屋蕉林鑒定圖史自娛共四印卷尾有歛許志古家藏蕉林玉立氏圖書方觀承藏孫承澤印竹朋鑒定李佐賢收藏書畫之印共六印押縫並隔水綾上有河北棠邨及石泉主人秘玩等五印款在尾上

錢唐戴進

進

錢唐戴氏

先人讀書之樓曰東明正面靈谷峯之前為瑤湖之水樓北有假峴臺南為青雲峯皆吾郡勝境也煩大筆作靈谷春雲圖小兒回藉此以壯行色留為子孫珍玩至懇：：辱知大年稟靜庵先生久契

昌氏大年印

錢唐戴氏畫入能品此卷尤其合作後有聶璣江之昭亦復道俊可傳也聶留心理學乃擅臨池之工豈所謂玩物喪志

真殺風景語耶

董其昌題

董其昌印

右靈谷春雲圖為戴進最得意之作布景設色可分元人一

席當沈文未興之先獨享畫名數十年固其宜也玄宰先生為近代墨苑宗匠稱其為合作信不虛矣惟是跋中誤以大

年為雙江忘雙江之為大司馬聶豹也大年以文士貢入太學困頓以死王太宰直誌其墓觀其好畫如此前輩風流可

想見也

癸卯九月題于芥舟雨中

北平孫氏澤

文進畫法探源于馬夏而流極於蔣三松藍田村輩遂不免

為世所訾其實文進之佳作固未可輕議也昔曾於卓鶴溪少宰處見其山水冊頁一開係寫意畫風韻獨絕茲卷乃工

筆法在規矩之中而神流鱗素之外可謂異曲同工後經思翁退谷諸名公題跋退谷並載入消夏記稱其設色布景蒼

秀有宋元大家風洵非虛譽聶書甚有姿趣董跋亦得意之筆余得此于厯下為稱快者累日

利津李佐賢跋

附

杜東原仿董巨山水卷

東原杜瓊為緝熙作

杜氏用嘉

紙本水墨高七寸五分長一丈一尺紙一接林巒深厚邱壑靈竒起乎山盡溪平崇岡突起依山為屋架木成橋一水前橫數峯對峙一帶岡嶺起伏竹木成陰峭壁倒垂石骨撐露溪迴路轉見出一亭一人獨坐其中松樹參天危崖聳後飛泉直瀉土阜平鋪水榭幾椽叢林陰翳入後遠山銜接水色空明近岸坡坨截然而止畫法濃皴密點墨濡淋漓非由董巨得來不能有此渾厚卷首下角有東原印其一不可辨卷後有禧壽堂珍藏壽泉李佐賢收藏書畫之印三印款在尾

是卷為楊儀曹君謙故物今歸諸陸子子虛氏子虛乃貞山給事族弟給事招余觀之蒼潤清逸極嘆其佳石田謂東原畫在董元巨然之間洵不誣也相與囑并數語假歸展旬因題於尾 甲辰長至前三日文仲義

承道

己亥立秋之次日与二三故人集幼元開襟樓甘澍昨作涼颼入懷劇談之餘展東原此圖然香對之便覺神游塵埃之外人生此清燕大適意思不多得也紀之 卧庵老人朱之

赤

卧庵

道士

鳴雨如瀑虛堂夏寒攬杜東原此園西山之雲盡在衣袂彷彿王馬曹手板支頤時也
庚戌五月方夏觀因題
方夏

杜東原仿荆關寒山行旅圖卷

紙本設色高一尺七分長九尺二寸七分帝二接奇峯峭壁怪石急湍雲棧內連行人絡繹其林木之杈枒巖石之突兀山陔之險峻棧道之紆迴澗水之奔騰雲峰之縹緲行旅之雜沓野店之荒涼閭寺之崢嶸橋亭之陸絕無不於一幅中曲曲傳出至于布置周密章法謹嚴渲染空靈點皴濃厚未踪去路一一分明雖未覩荆關妙筆其設想之奇運筆之健著色之厚致力之深當不過如此款在卷尾三行精楷

做荆關寒山行旅圖 嘉靖甲戌秋七月上浣 東原杜瓊製

瓊杜氏
印 用嘉

如此巨蹟一無題跋必為人割去矣僅卷首有王翬小印又般礴齋一印

陳如隱梅花卷

紙本高九寸三分長二丈二寸二分紙九接老幹橫斜柔枝
條達麓花細蕊鈎點分明紙上皆用淡青渲託一勾新月烘
以泥金用筆之健運墨之空枝柯之交加花朵之向背千變
萬化層出不窮畫梅中一大觀也嘗論梅花為天下至清之
品其為高人逸士吟賞不已者豈僅以其寒香冷豔獨占冬
魁哉古幹屈蟠如人之風骨不貶也長條直達如人之氣節
不撓也賦色冷淡如人之堅白自矢也含香清潔如人之幽
貞獨抱也挺立于冰雪之中不以歲寒改節開放于百花頭
上不以繁華易心廣平賦中所以鉄石心腸之句也展如隱
此卷焚香靜對可以彷彿過之卷前印首靜齋印下押角如
隱居士印又許氏玄祐德林攷定等三印末有 吳許玄祐
珍藏查氏映山鑑定書畫之章聽雨樓藏印款在卷後

會稽如隱居士陳憲章寫

陳述

孤山月色

又秦卦印

夏仲昭湘江春雨圖卷

紙本高一尺二寸七分長二丈五尺七寸帝六接脩篁萬个
流水一溪枝葉橫斜波陀清潤風雨目不暇給題首湘
江春雨四大楷直文華殿中書舍人任道遜書克誠之印一
印卷首湘江春雨圖序一首題款在卷後另紙

太常少卿李君宗周雅好書畫適興琴棋与余往來者久矣嘗
索余墨君未能酬之後因出守瑞陽別去者三四載不能無暮
雲春樹之思焉景泰壬申予以秩滿來京忝獲同寅之好宗周
曰昔日之論交今日之同事墨君之作許可得乎遂出一卷帝
求寫湘江春雨不覺又兩易寒暑矣今年夏公事頗簡雨久不
出遂為作此但未知能副雅意否幸不必較工拙也時景泰乙

亥六月初吉東吳夏永仲昭書

夏永仲昭

客堂清暇

自在居士

湘江春雨國序 古之善寫竹者唐稱蕭悅字稱文与可元
稱趙子昂諸人皆能以藝名世以予所見不過獨幅數竿而

已未有相連十數幅相叢千萬竿若是卷之多者也至若湘
江乃多竹之地漫而圖之延之以洲渚加之風雨其山迴
水繞之勢淋漓潺湲之態亦未有若是卷之曲盡其妙者也
盖姑蘇夏公仲昭以明經舉進士學瞻才高兼精書翰初拜
中書舍人時錫山王公孟端与公同官以墨竹妙天下公送
而師之盡得其傳下筆輒臻其妙戰材日聚遂擅出藍之譽
四方之人得其一墨皆藏去以為珍玩後公遷秩部署出守
瑞安入為太常少卿名德日重公每自靳意有不合求之或
不可得遇知己契舊雖不求有得意筆則持以遺之予素辱
公愛嘗記与公同游武定侯家花園愛其亭前卓石甚奇公
語予曰聞子使朝鮮得其佳楮肯見遺否予曰諾歸遺以二
番越數日乃作墨君於楮反以遺予而下帶坡石迫視之盖
園中物也公笑曰予豈欲楮乎特為米芾圖石丈也其風致
高邁如此今為同寅李公宗周作此湘江春雨圖後自述云
宗周雅好書画適興琴棋与予往來者久索予墨君未敢酬
之又云今年夏公事頗簡兩久不出遂為作此則知公與宗

周情分契合重其清尚故揮毫命意積日始成致多且妙若
是一開卷間莫非篆籀波磔之法其水石陰森烟林清潤真
若推吟蓬而弄水雲度三湘而望九疑神爽飛越而塵空蕩
滌也則是卷留於天地間尚何讓於古人哉計公生平所作
似此卷者當六無幾嗟公茲已物故欲若此卷何可復得宜
宗周之寶愛之也間者出示徵題其端既念疇昔為之惘然
成化七年辛卯春二月初吉賜進士及第正議大夫資治尹
禮部侍郎致仕前翰林學士侍文華殿講讀直東閣兼修國
史錢塘倪謙書于靜存軒

大章
學

湘江春雨
濛鬟髻綠淡烟點點染淚痕斑斑歲寒傲雪此君襟朝暮行雲巫
女顏舞鳳低昂來嶰谷卧龍偃蹇起江灣參差似漾金波點
夏擊疑鳴玉佩環翠色四時清世界虛心一節挺人寰寓真
頓覺身俱化入眼能令手可攀文與當時稱四絕夏公今許
列同班
成化六年庚寅春二月戊辰賜進士出身正議大
夫資治尹南京禮部左侍郎東嘉章綸題
大章
春
之
印
湘江春雨
公為少卿李公所作老節新梢深叢密葉隨筆布置姿態橫
古墨竹一卷題曰湘江春雨太常卿夏

生展而玩之真若放棹湘江之上推蓬歷覽風情雨意淋漓
蕭颯不覺襟度之洒然也予往在翰林時見夏公寫竹極自
珍惜苟非其人絕不可得而李公得此蓋本其情好之篤也
李公今休致家居高年眉壽精神強勝將來福履殆未可量
昔考亭守言東坡老人英秀後凋之操堅確不移之姿竹君
石友庶幾似之予於二公亦云成化十三年丁酉嘉平月
望日賜進士及第朝議大夫南京國子祭酒前翰林學士同
脩國史兼經筵講官晉陵王與題

三樂道人

湘江浩：江水深篴管萬箇森如林蚰枝露葉搖滿洒天風
披拂青鸞音綠陰滂空鎖蒼翠環佩珊：鳳翎碎冰霜獨抱
歲寒心湘女空餘舊時淚清如餅子飛下蓬萊宮炯然秋水
之芙蓉勁如猛士躍出天山東蚰髯鉄騎雕翎引堅如嚴陵
七里之清風一蓑烟雨輕萬鍾直如史魚之精忠正言瀕死
千帝聽容臺有客人中僊揮毫掃破湘江烟鳳凰飛下春兩
裏鷓鴣啼在黃陵前會須截此湘江綠製作伶倫手中玉軒
轅臺上六琯鳴鳳凰來儀變清穆便須閭闔呈琅玕天門玉
笋聯駕班更須剪取一枝製作任公之釣竿一掣海水金鰲
翻均不聞此君節操天賦成絃：花草難齊名等間收作鳳

尾簪拂除大地煙塵清 成化辛丑元夕後三日嘉議大夫
右副都御史致仕會稽葉冕書

趙宸共都御史記

夏仲昭瀟湘風雨圖卷

紙本高一尺二寸三分長一丈八尺六寸五分帝五接老節
新枝風情兩意流泉蕩漾疊石參差畫意与前卷同特枝葉
稍疎耳題首瀟湘風雨四行楷款大理少卿沈槩書雲間沈
槩氏等二印卷首有畢泂審定尾有畢潤飛藏二印跋內有
畢泂鑒藏太倉畢氏靜逸庵圖記畢潤飛秘笈印三印跋尾
婁東畢泂潤飛氏藏一印款在前上方三行

東吳夏景仲昭為夏官范君楨彥寫正統戊辰六月二十有五

日也

東吳夏景仲昭書畫印

竹譜

晉武昌戴凱之撰兵部郎中沈為忠書

文未錄都四十三行行十九字

題瀟湘風雨卷 瀟湘二水出桂永合流下衡潭入洞庭兩岸多大山深谷不可以計數蓋竹之所宜也竹之為物虛心

直節高潔抗物表不偶麗卉得風烟雨雪尤清勝蓋物之所
宜也滿湘之間風雨時來而竹之態旦暮變千萬故古今名
摹寫者以盡其態為絕筆東吳仲昭善寫竹而夏官主事范
君楨彥嘗求是卷以為清玩仲昭曾次洒落悉寓於是可謂
能盡之者而楨彥深好之如此蓋皆修潔之士也
正統戊辰冬十二月望日嘉議大夫禮部侍郎台郡王一宣跋

傳居王宣

辭

永樂中予與今瑞州知府夏君仲昭同為翰林庶吉士誦誦
之暇同學寫竹于中書舍人王先生孟端所當時展素揮毫
自以為不相上下厥後予怠于習仲昭獨能攻而精之誠有
類于秋之教弄者然噫竹之怠于所習尚不能無愧于吾仲
昭矧德業問學弗知自勉則吾之愧於人者實多矣曰觀所
作滿湘風雨團輒為書此聊用砭予膏肓
正統十三年戊辰冬十有二月廿有五日翰林侍讀學士奉訓大夫經筵侍

誦兼脩國史姑蘇張益書

張益士謙

春庵

夏瑞州今之文湖州也其人陳爽而於寫竹尤靳亦頗有湖
州轍材之戲以是人少得之兵部范君楨彥得之獨多蓋其
好之篤耳此固之作尤為妙絕風梢而葉動搖于水雲洲渚

之間觀之使人恍然如鼓柁千里而為滄湘之游也是誠可
好已雖然楨彥之好豈徒好其似哉夫竹之玉立歲寒君子
類也於是而能清修其操以與之類豈非吾益者之友耳楨
彥示余因為題此 心統己巳春二月之望翰林徐理題

銘玩東齋餘清

余蜀都方外友張仲修懋德少得仲昭竹軸甚珍重而私泚
之嘗詣金沙對岸卧竹林移晷益服仲昭寫照之妙不下文
湖州無寒暑無昏旦手摹意擬唯墨君之是篤久之遂能伯
仲仲昭余每向人道仲脩能竹仲脩竹曰漸希人間學之不
已變化橫生嘗僑居姑蘇職材所趨日不暇給而仲脩不厭
向以初所得夏軸脫贈當上忘蹄筌意乎余頃得此卷把玩
無虛日憾路阻寇氛不即令仲脩共鑒也時崇禎癸未孟夏
朔蜀仙井胡世安處靜識于蜀館之客竹居

胡世安印 處靜

劉廷美山居圖軸

紙本水墨高四尺三寸闊一尺五寸七分仿雲林筆疎林野
竹臨水一亭對面峯巒突起飛瀑中懸絕無人跡亦無屋宇

右角下有高士奇圖書印抱琴卧花二印左角上損一方疑有題句割去款在右角上

萬卷圖書百畝田山居隨分度流年水心亭上無人到讀盡幽

風七月篇 完廣

劉氏建美印

江蘿漠々芹田々遠客新愁長慶年今日髣髴禪榻畔晴窓點檢白雲篇 沈周倚韻集古 翰印

沈石田山水巨冊改卷 瓶麓齋舊藏

紙本設色十頁每頁高一尺二寸四分闊二尺三寸第一頁虞山劍門圖層巖壁立石縫中四所謂劍門也另有飛瀑一橋駕兩崖間即拂水岩也樹色泉聲湖光雲影俱於尺幅中遇之不啻解衣磅礴時也題在畫後

虞山我隣壤欲往路非遙比來無好抱風日虛春朝茲藉嘉友典理舟訪茗堯漸覺蒼翠近豁眼嵐霏消上有古松杉落旌

幢標其下見行人往來雜僧樵我坐意亦馳豈伺復履超何異
謝康樂巫湖眺且遨 与堯庵放舟游虞山舟中見山之作

南石 下印並全

第二頁茆舍一椽脩篁萬个竹扉畫掩松蔭參天一叟趺坐
屋內旁置棋枰一童捧盃一童埽花筆墨蒼潤老橫題在右
碧樹垂陰日正長棋枰酒案好商量春風似與人爭座先送飛
花上石牀

第三頁脩竹滿山清泉漱石一人坐溪亭間眺坡上小橋一
鶴孤立意境清幽題在右

溪亭不到已春深漸覺飛花漫綠陰恹恹得泉聲与禽鳥藤條著
手費幽尋

第四頁奇峰斜矗紅樹蕭疏坡上一叟扶杖逡巡一人相對
欲語行李一肩擔荷方釋對岸雲峯隱約一塔當空一舟載
三人搖來是秋江待渡景色題在中

危峰峭壁江天闊日暮沙頭待渡時隔水橹聲空軋：意慌偏
覺進舟遲

第五頁羣峰圍繞數樹摩空山坳結屋數椽一人讀書其中
有二童攜琴書泛樹外來筆墨蒼老氣韻深厚題在右

避世讀書如避秦千峰獨屋女蘿春白雲不碍鳴騶路應識山
人是貴人

第六頁層巒合沓飛瀑爭流路迳參差人家錯落前溪一小
橋一人扶筇緩度烟樹四圍晴山遠出是雨後景題在左

曲水低橋細路分一重樹色一重雲老夫趁得藤枝健又向溪

南訪隱君

第七頁青山對岸綠水中流松閣高撐柳橋低亞一舟容與
波間一人讀書于上山脚小有村落林木陰濃極見揮洒之
致題在右

隱居只在一舟間與世無求獨好閒遠放江湖讀書去還嫌耳

目近青山

第八頁柳岸風和竹籬水淺溪橋湍激嶺封雲封一人一棹
扁舟把竿垂釣筆致洒落意境蕭閒題在左

釣竿不是功名具真是閒人方許持若使手閒心不及烟波萬
項負長絲

第九頁蒼松怪石虎踞龍蟠飛瀑流雲浮動紙上有不可名
言之妙題在後

寸筵悠：至千丈歲月之後乃可望老夫一日春雨中手暖心
閒筆始放徂徠合抱三百株生捉龍蛇眠紙上培之以墨土何
功根葉不驚神志王傍人謂我奪化工畢宏韋偃仍相誑一舒
一卷風雨生滿堂錯愕空相向還疑秋子打窗扉亦覺春花撲
屏障久無采錄我何嗔自倚胸中意為匠

第十頁山冷有雪雲密漫空枯柳臨波叢篁滿徑柴扉洞啓
茅舍深藏一叟乘舟歸來童子倚門以待寒雅三兩飛集枝
頭俱有瑟縮之狀題在右右角下有王元美鑒賞宮保世家
二印左角下有吳寬彭氏孔嘉隆池山人三印

孤舟倚雪臨江渚高興凌寒雪亦空不是山陰倦游者西湖的
作探梅翁 弘治乙卯夏五月長洲沈周

沈石田虬松夾澗圖卷

紙本水墨高一尺一寸一分長二丈五尺五寸五分紙七接
巨石牙撐長松鱗作枝幹蟠屈滿紙龍蛇卷只高尺許而畫
松具有尋丈之勢魄力之大無逾于此卷首有壽承王承厚
書林屋山房贊善堂收藏記四印末有項子京家珍藏儒林
世家范氏家藏茂芝院此裴氏珍藏劍泉二十年精力所聚
六印又林屋山房三印重題款另紙後有霍邱裴氏珍藏書
畫貴陽景氏二印餘六印與上同不錄

老夫慣與松傳神夾山依澗將逼真青雲軋天見高蓋蒼鱗裹
烟呈古身我亦不知松在紙松亦不知我戲耳吹燈照影蛟起
舞直欲排空掉長尾待松千丈歲須千老夫何壽與作緣不如

筆裁墨培出一笑何問人間大小年 沈周

齋
翁

此卷与前夏仲昭潇湘风雨卷俱得之景氏原裝成對長短略同松竹品格本高得雨先生傳神阿堵可稱雙璧余更欲合陳如隱梅花卷共置一處謂之三友相与默證歲寒矣

沈石田風雨過谿園卷

瓶麓齋舊藏

紙本設色高一尺二寸九分長四丈二尺一寸盈紙六接一氣揮洒大筆淋漓起手山坡高下老樹縱橫一澗中分蒼松蟠屈石根排次槁影欹斜漸次巖樹蒼茫茅亭臨水一叟亭中看雨旁立奚童柳受風多蘆葦水淺一漁者簑笠垂釣舟中蘆灘盡處又見一舟二人披蓑撐蓋相對岸上破屋一椽濃陰四合林陰缺處露一草堂一人凭窗默望欄隨徑曲一童笠屐而來入後坡勢綿延飛泉直瀉溪橋一道漁艇渡橫畫山畫水畫樹畫人無一不具風雨之態石田巨卷中一大觀也有三生堂吳氏秘藏書畫印武林韓氏收藏書畫印小亭秘玩孫敏等四印款在卷尾

昨日燈前曾有約不辭風雨過谿來

長洲沈周

南啓 翁

沈石田快雪圖卷

瓶麓齋舊藏

紙本設色高九寸三分長一丈七尺八寸紙七接隨意鈎勒
老筆紛披起手枯樹杈枒依坡作屋兩人坐對其中一帶紅
葉青筠掩映上下一隄橫亘迭起峯巒溪柳餘青波天一色
數舟依岸橋亭中開山頭松老吟風屋角竹叢含冷溪隨岩
曲舟趁帆輕入後野岸參差縣崖突兀一亭中峙左右脩篁
二人坐談賞雪想其高情逸致藉筆點染不覺寒生膚粟也
題首快雪園三大字長沙李東陽書有東陽古太史氏二印
卷首有啓南白石翁二印又御李齋審定真蹟秘玩印花步
寒碧莊秘笈印清森閣書畫印勃海主人珍藏四印接縫俱
有二需山房印尾有沈氏書印又散聖青笠綠蓑齋藏口州
四印重者不錄題款另紙

日暮蒼茫天色冥跳珠寫竹雪飄零亂鴉墮影花千樹老鶴無
聲月滿庭冷逼重簾人獨卧寒侵孤枕酒初醒誰家窈窕蘭房

裏白雪歌殘深閉局

長洲沈周

齋石

千山凍合斷飛鴉誰更消寒詠雪車人向殿前沾玉屑天沒
空際散瓊花淡含霽色窺孫牖輕逐微風入謝家遙指前邨
沽酒去蒼茫不辨路三叉

延陵吳寬題

懌

嘉靖辛酉秋七月廿五日孝甫出示石田翁快雪圖展玩良
久索題長句時予奴僕理棹不得思索遂錄昌黎於後而泉
陳鑒

泉

右啓南先生畫快雪圖卷精妙無匹余寓吳興偶尔得之喜
不自勝坐卧必觀殆忘寢食昔壽承兄藏先生一卷每以詫
余：將歸而誇之不能自秘兄所一見遂豪奪而去蓋其好
有甚于余者曰思楚弓之義更不必論其在彼在此也題而
歸之兄其謹藏不可更為人豪奪也

萬厯丁丑二月既望

文嘉

休承

後跋三帝有劉氏秘玩之印寒碧庄太原王揆藻儒父章顯
庵歲寒書屋花步小築藻儒鑑藏雪鴻居蓉峯氏書畫記花
步寒碧莊印等印十

沈石田贈德徵詩畫卷

紙本設色高一尺九分長三尺五寸七分岡巒平迤茅舍數
椽脩竹四圍寒梅幾樹一老者坐堂內案設圖書徑外一叟
一人携杖一童抱琴來訪溪山明秀境地幽閑款在卷尾題
詩另紙

辛酉秋日戲作於有竹居

長洲沈周

沈周
石田

前山欲飛後山立碧溪一道奔湍急隱君舊隱溪山間草堂不
放紅塵入荷巾蘭佩芙蓉裳勝日往々耽徜徉隱君東山逸遠
駕處士西湖幽興長踏春連迤溪之曲屐滑金沙嵐湧谷溪迴
路轉遍桃花戲跨啣花雪毛鹿有時絕頂扣丹房岫幌蘿陰懸
夏涼青童倒持紫鸞尾階前埽破苔痕荒有時澗雲留獨倚風

挾松聲觸秋起翠虬掀落銀灣濤一朶曾將漚洗耳爾來歲暮
冰在川短篷載酒梅花邊酒酣呼鶴動暝色纖月正吐玻瓈烟
溪山樂事余所慕欲往從之豈余阻坡笋抽雷或可饒淵魚噲
雨應堪苦君能訂約同盤礴弄月吟風樂吾樂 乙丑夏五德
徵相過携余向贈舊卷出示回書長句於末以副其盛意云爾

長洲沈周

南都

沈石田仿梅道人山水卷

紙本水墨高八寸五分長六尺八寸帝一接筆墨老蒼點皴
濃密起手林巒聳起溪水平鋪一人扁舟垂釣漸次峯迴徑
曲湍急槁橫竹樹四圍臺榭夾岸風帆沙鳥嵐影波光或依
檻移情或凭窗對話槁長臨水亭小依坡入後危崖高峙一

人在茅亭遠眺溪田方罽巖樹濃陰邱壑天成章法精妙雖
未題摹擬何人實近梅花盦主得意之作題款另紙接縫及
卷首有季青珍賞印

滿地桑蓬屬少年出門自賦遠游篇匡廬真面開屏玉萬華僊

踪倚嶽蓮野市誰家濯春酒隣船何處訪秋弦老子牖下今頭

白司馬山川是夢緣 弘治辛酉夏四月沈周畫并賦

沈氏
白名
公羽

沈文合作壽桃渚先生卷 瓶麓齋舊藏

紙本設色高八寸三分長八尺六寸起首巖石隆起激湍下
瀉蒼松綠樹水閣中開一叟偕友一童抱琴由坡上行中路
怪石散水老樹橫崖隔岸桃柳參差一人坐扁舟容與入溪
陵岩壁立瀑布空懸樹石相參橋亭互映臨溪茆舍人生蕭
閒入望惟惘惘樹蒼茫遠山如黛而已前有天籟閣樸村紫珊
秘玩三印題首永錫難老四大隸書款徵明有文徵明印惟

庚寅吾以降二印又渭仁珍藏一印款在卷尾有項子京家藏一印

柴門絕塵跡一徑春苔綠洒面落花風携琴入深竹 口治壬

戌春三月十有一日桃渚先生五十壽辰余往訪適徵仲亦至

合成是圖以贈 沈周

南略

徵明補桃柳扁舟

明徵

沈文仇唐周五大家作桃渚圖卷 瓶麓齋舊藏

紙本凡四段題首桃渚二大字款江緒仙張遜業書張有功皇明永嘉甌江張遜業記言章二印

第一段石田隼鉤設色高八寸八分長三尺一寸七分垣緣坡築門對槁開柳綠成陰桃紅夾岸新秧出水脩竹沿牆一叟槁頭緩步童子候門工緻絕倫為石田僅見之作題詩在後上角有項子京二印渭仁珍藏一印

巖阿流水時：瀉洞口桃花日：開園苑茫：三萬里何年海
外忽飛來 桃渚先生屬作桃渚園余用宋人雙鉤法寫此未
識以為何如哉 有竹居主人沈周畫并題 皐 皐

第二段六如居士設色高八寸七分長六尺三寸一分古樹
臨溪曲欄映水桃紅柳綠脩竹成陰一叟據石背影玩鶴紫
設書畫爐盆一叟捧盃旁立竹外短籬圍繞巨石縱橫樹影
蕉陰掩映高下入後長橋跨水烟岫迷空寫意畧帶工筆子
畏極得意之作題詩在後上角有子京所藏二印前有天籟
閣印又紫珊秘玩二印中一叟一童書案後鶴翠石為十洲
筆上有小楷題款

千株曉露墜一塢濕雲蒸指顧仙源在何須問武陵 吳趨唐

寅寫桃渚先生玩鶴園并題

唐伯

南京
解元

桃渚先生五十七歲背影玩鶴像 實父仇英寫

第三段周東邨設色高八寸四分長三尺七寸五分蒼松怪石院落清幽雀鶴蹁跹桃紅滿徑茅堂之上一叟撫琴古致高情可以想見畫上清奇洒落題款在後上角前後有天籟閣墨林秘玩等三印又渭仁一印

鶴聽琴曲 亂山堆裏拾松薪醉月眠雲謫墮人酒醒落花飛

滿徑不知塵世幾逢春 桃渚先生屬寫 東村周臣

印不識

第四段文待詔水墨高八寸六分長三尺一寸五分蘆灘水淺一叟扁舟載雙鶴而歸坡上老樹曲蟠二童子玩弄竹籬之內松蔭參差茅舍數椽脩篁樹後園書滿室宗無一人題在前後有天籟閣印前有項子京家藏印紫珊秘玩印

扁舟載鶴 徵明

文徵明印

徒白鏡中髮羞彼鶴上人桃李何處開此花非我春唯應清都觀長與韓衆親 桃渚園 祝允明

祝允明印 希哲

古緣萃錄

弓三

七

澄蘭室

天津三月時千門桃与李朝為斷腸花暮逐東流水前水復
後水古今相續流新人非舊人年一橋上游雞鳴海色動謁
帝羅公侯月落西山陽餘輝半城樓衣冠照雲日朝下散皇
州鞍馬如飛龍黃金絡馬頭行人皆辟易志氣橫嶠邱入門
工高堂列鼎錯珍羞香風引趙舞清管隨齊謳七十紫妃書
准：戲庭幽行樂爭晝夜自言度千秋功成身不退自古多
愆尤黃天空歎息綠珠成仇讐何如鴟夷子散髮掉扁舟
癡翁為桃渚先生題

賦

鳳書遙捧入蓬萊匹馬東風破紫埃遠別共憐雙鬢改清宵
暫喜一尊開齊封久佐彈琴政梁國新傳作賦才莫道朱門
淹宦跡天邊猶倚郭生臺

曲江弟譚翀

譚氏子羽

桃花塢

幾年淮海重相違此日逢君入帝畿風月襟懷還似舊循良
聲價有餘輝仍將霖雨蘇民困未許滄洲覓釣磯春酒正濃
愁別去不勝回首思依依

白涯張崇縉

胎

獄

春霏青鬢北山萊雲氣常消石路埃物色翻憎浮歲易客心
忽向故人開月明滿洒淮西宴天假風流鄴下才應愛官閑
非散地况憐景美賦高臺

荆山楊鈞

楊次和甫

駐為畿甸風塵吏更拜王門冷淡官峻翮搏風樊網困高懷

玩世寸心寬乞符暫假邱園逸解愠聊追故舊歡一別星霜
經幾換相逢江上且盤桓聞桃渚先生假節還鄉喜而賦

此

鶴林高相

世高氏左

人常以成敗利鈍而論天下之士夫天下之士未始不可以

成敗利鈍者惟以成敗利鈍而論天下之士則天下之士始
顛倒迷亂而不可以盡知以不可盡知之術而求以盡天下

之士此所以不能無遺論也夫尺蠖之屈必信龍蛇之蟄所
以存身成敗利鈍何至不可論天下之士者天下之士不可

以成敗利鈍而論要必有以權乎其間而非常情曲見之所
能識古之君子負王佐之才抱治安之具區區於一國嘆息

於一朝偃蹇終身而不克以自奮究其好成欲利之心豈有
甚異于人哉而不免於敗與鈍者蓋有所以為之而力莫能

與矣力莫能與而舉以責之於士不己悖乎余友盛君桃渚
少讀書于城西別墅臨渚植桃曰以為犇而鑽研誦習致

不怠者逾三十年余方幸其大舉為力學之勸而竟不偶沈
抑下僚若是者夫豈可以成敗利鈍論耶苟以成敗利鈍而

例論之則所以為桃渚者亦止於此而已矣夫賈誼董仲舒
漢儒傑出者也然皆僻處藩服而蕭曹丙魏之流迺軒然位

於其上為時名輔以二君功業視之曾不汚希冀萬一而百
世以下品第漢廷人物者必以二君稱首而蕭曹諸公不及
焉不然則二君者且將与草木同腐朽耳桃渚志勤學博論
其所就雖不獲大用於世而充其所至六將不失曾董之迹
觀其先尉博邑繼邇崇藩率其素履無少失墜而冰蘖鯁介
之操貨利誘之而不可移威武臨之而不可屈即使揚眉吐
氣而汚遂其展布當必有可表見豈終於此已耶然則人其
可以成敗利鈍而論天下之士哉作桃渚論 虹川周學易
桃渚先生以王傳假節還鄉搢紳索詩長者之命予小子何
敢讓焉漫然賦之不覺珠玉之在側也 徵君弱齡愛元素
習靜偶從花下住春風似識隱淪君芳樹那生車馬路江頭
二月鶯初語窗前一夜花無數影逐添波蕩赤霞香飄曲檻
翻紅雨赤霞紅雨靚晨粧露井霜園減舊芳月移人境千山
曙路隔仙源一水長有時開戶觀周易有肯高枕揖羲皇日
休任賦真珠調子美題詩大剡狂君不見秦人洞落英欲亞
三山鳳又不見王母池巨核還栽萬壽厄池邊鶴駕空相訝
洞口漁舟只自疑東方隱客遙回首南國佳人盡斂眉廿年
栖宿誰爭長萬里扶搖君獨上虎闌鼓篋髻初斑花封佐政

心猶壯上書不讓洛陽生
彈冠復拜江都相世路悠々東道
西暮雲溪館暫未極王孫芳草思難盡
帝子關山望欲迷歸鴻夜度梁王苑
疎柳朝板楊子堤離尊傾倒共君醉
日落孤城聽馬嘶龍雷弟洪玠

桃渚篇盛君磊落非凡才十畝桃李花自栽渚中活水通
潮汐朝看青霞夜明月不須深山遠避秦塵氣不染無纖埃
綠萼碧蕊光燦々千枝萬顆實纍々曾同方朔探靈種更向
純陽換夙胎春華閭苑蛟龍化秋果瑤臺猿鶴猜幾向宮門
駭不售偶過燕市投兄媒只今鼓瑟立齊門何如賤雪登梁
臺古來才大多羈困恆見壯士遭摧頽賈生痛哭阻長沙屈
子怨恨沈江隈揚雄吏隱天祿閣東方割肉甘談諧世間萬
事同轉軸達人會觀天體開有時對鞠陶葛中有時折梅醅
市醅桃塢先生意悠々夾岸臨水恣歡游却恨二桃殺三士
空驚餘核為擾尤桃李不言蹊自成默晦可以娛春秋殷勤
為君成短賦仰看大界真虛舟昔年都下曾見命今特完
信云霍林生高相

嵩林
山人
宣明國初尚
農官六葉孫同

沈石田關山積雪圖軸

古緣萃錄

弓三

十九

澄蘭室

紙本淡設色高二尺一寸四分闊一尺四寸重巒疊嶂高樹危崖雪影湯空溪天一色兩峯闕處一闕中開林密山坳微見古剎迢遙溪暗路不分明樹間惟一人携杖度橋踏雪尋幽画法皴點濃厚渲托渾成非老年揮洒淋漓之作殆是中

年尚未展拓大幅時之精品也無款右角下一印不可辨休承題在上方小楷

此闕山積雪圖乃石田先生用黃鶴山人筆意所寫先待詔早歲於市中購得嘗懸齋中指示云此圖雖師荆明實本右轄蓋重嵐疊嶂闕山逶迤非右轄不能耳故寶愛終世然流落十九年今又得一觀豈勝今昔之感耶因題其上以識余懷

丁丑閏八月廿二日茂苑文嘉

筆錫余
以嘉名

沈石田仿米元暉山水軸

紙本水墨高三尺三寸三分闊一尺七寸三分峯嵐清潤雲樹溟濛屋矮山遮松老枝秃雖曰仿小米六只烟雲滃鬱浮動帝上樹法鈎勒仍多家法也題款右角上下有宙父印又一印不辨左角下有屈保鈞藏印又二大印一往有深情其

一不盡識

弘治己酉長洲沈周

輟

有竹
莊美

石丈高情點筆間悠然宵次白雲閒憑君共作元暉看會寫
江南雨後山 徵明題 文徵明印 仲徵

此軸曩于京師得之答題曰沈石田先生仿米元暉墨筆山水真蹟文衡山題琴川屈竹田審定重裱丁卯八月朔日頌
滿承堂上命謹書籤昔年十六是此照本吾邑舊家物也

沈石田枇杷軸

紙本淡設色高三尺九寸六分濶二尺枝幹老橫結實纍纍
畫葉濃厚暈果渾圓題在上方偏右

仲冬九日雪夜寒甚與潘宗毅徐良臣燈下小酌談及張子正
折枝墨枇杷之妙宗毅出紙索予想像一過如人聞長安西向

而笑也眼眈指強水墨茫然不辨濃淡自知汚宗毅佳紙口占
一短句云 雪夜聊圍晚翠枝前留墨妙耳中知捕風捉影真
堪笑亦是人間一種癡 弘治辛酉沈周

沈氏
居
西

文衡山四體千文卷

紙本真州隸篆小字高七寸四分長九尺五寸六分紙二接
凡四段卷首有令威山人陳氏詒穀堂收藏印二印
第一段真書烏絲方格五十二行、二十字筆意鬆秀綽有
餘妍印首停云

千字文

嘉靖甲辰春二月上浣徵明書

徵明
傳

第二段草書烏絲界行五十二行、二十字左右清勁圓折
筆法緊嚴

千字文

嘉靖甲辰夏四月廿有六日徵明書

徵明 悟言室印

第三段隸書烏絲方格五十二行行二十字峭勁有致筆力精到

千字文

嘉靖丙午春正月十有九日徵明書

徵明

第四段篆書烏絲方格五十二行：二十字篆法意到筆隨天真爛漫

千字文

嘉靖丙午四月十有三日徵明小篆

徵仲

文仲子

文衡山小楷文賦卷

紙本烏絲方格高四寸七分長四尺五寸六分紙一接都一百八行、十五字首缺一序將文賸二字割補于首行筆意峭勁轉折空靈王跋在帝後六圓渾有致

嘉靖甲午臘月望徵明為幼于茂學屬書時年六十有五

明徵仲印

徵仲

文待詔先生當代書家宗匠其楷書出自黃庭陰符纖微續密筆法通勁若此書文賦而宗率更秀穎絕倫乃其得意之筆豈易言語形容其妙哉出以相示湯題以重其珍 雅宜山人王寵

王寵

顧吉

押角

經

文衡山仿涪翁書卷

瓶麓堂舊藏

紙本高七寸七分長一丈八尺紙四接逢二寸大行楷每行二三字不等筆法通勁沈著深得涪翁神髓印首傳雲

春晚曲 翠塵沃日旻霏、彤光飛上千朶愚誰家高樓鎖春

色金鋪約戶蟠雙螭東風掠幌鸞綃動瑤鴨蘭溫睡初重起來
臨鏡悄無言含情自理隼鶯夢：面生怕守宮殘捲袖携鞦獨
自看燕子嘶春欲飛去海棠猶自勒輕寒簾幙垂寒朝不捲綺
疏結香春較淺欲裁羅段作春衫先熟薰爐慰金翦 嘉靖甲
辰冬夜無事獨坐童子磨墨滿池戲效涪翁筆法書舊作一首
昔人有以東坡書易肉者坡戲之云今日斷屠余書不知能易
肉不 徵明 徵明 仲 押角 悟言 玉磬 山房

文衡山桃源別境圖卷

紙本設色高八寸一分長一丈三尺六寸強紙二接筆致工
細設色淡雅起手巖崖陡絕溪水潏洄綠樹參差桃花掩映

石壁下繫一舟山有一洞其外但見重巒峭壁翠柏蒼松陸
峽飛泉叢林遮徑而已峯勢漸落別境忽開始則屋坐山坳
橋橫水面繼則竹園路曲柳岸堤長桃花林中三四人與漁
父互語或策杖尋芳或憑闌話舊農夫野老景物雍熙不特
花柳芳菲溪山明媚已也入後危崖豎起峻坂橫斜臨流則
茅屋竹籬回山則石垣瓦閭扶杖携琴攜邊觀瀑登山躡屐
亭外尋幽邨落漸稀崇山復峙惟湍流激石烟水蒼茫不知
此外又是何境地前復有石渠寶笈等五壘及式古堂書畫
行有恆堂審定真跡等九印靖節桃花源記本是憑空結撰
想入非：得衡山此卷徵實之覺山川屋舍雞犬人民皆確
有其境確有其事有是記固不可無是圖也後書右丞桃源
行一首小行楷

右桃源行 嘉靖甲申二月十日偶得佳帝遙想桃源別境遂

作是卷民望持去隔數年復來索書錄此終之衡山居士文徵

明識

徵仲
父印

玉蘭
堂

文衡山溪山積雪圖草書雪詩合裝卷

紙本水墨略兼設色高一寸九分長八尺四寸一分帝一接
詩長一丈五尺九寸強紙三接起手巖崖盡處遠岫分明水
閣風帆溪天一色漸次峯巒起伏路迂幽深寺露山坳松明
絕頂山盡溪平遙岑山接人家對峙籬落周圍榮蹇槁頭浮
屠嶺外或層軒面水或小閣依山綠樹丹楓重雪壑兩崖
陸峙一閭中橫古剎紅牆隱依林表入後山渡平遠野屋參
差舟泊溪頭堂開坡上青松翠竹樹雜丹黃雪色漸已微矣
屋後縣崖更增峭峻与起手迴環照應章法周密筆意精能
衡山極經意之作題首衡山墨妙四篆款雉山無印印首豫
口郡園口印押角家在黃山白嶽本卷首押角玉蘭堂惟
庚寅吾以降二印題款在後

嘉靖壬子秋七月既望製

徵明

文徵明

悟言室

歲暮雪晴山齋肆目賦小詩五章

歲暮羣芳息枯條鳴北風

層陰結黯黯朔雪飛長空玄冥肅氣象物化歸終窮妍華肇伊
始冉：收春功 積雪編晴晝離：見高松賸茲歲寒姿不復
知春冬旭光時明滅奄忽浮雲踪塵心不能戢歲晏徒忡忡

朝光射晴綺飛雲炫瑤姿微風吹竹簾文玉紛差：霜州行已
繁冰谷流寒漸玄機抱終始逝矣夫何疑 夜寒拂衾裯曉色
明窗牖有客汲叩門稚子方擁帚玉梅已數英寒香在纖手一
樽誰與同自入無何有 空庭集飢鳥景色入寒沍濃陰釀朔
雪松石積縞素玉顏不望好日出四簷雨薄晚北風微幽人啟

朱戶

文壁徵明書

文壁
五印

明徵

康熙壬辰冬十月三日長洲顧嗣立觀

雪浪齋
主人章

文衡山雙柏圖卷

紙本水墨高七寸五分長五尺四寸巨石一拳雙柏挺峙長
枝老幹夭矯離奇密葉層鋪高低益偃拳前有朱卧庵收藏
印年：歲：花相似二印祁字一印後有長平祁氏之鏐料
和父鑒藏金石書畫記題款在卷尾

鄧尉有古柏實為羣木冠挺生岩壑間雨露為之灌植迆何代
人傳語亦滋謾厯劫數百載圓頂已成繖巍然侶四皓霜雪幾
曾算我來恣遨游相識古廟畔徘徊不能去歸來寫柔翰約略
記清標摩挲得其半尺幅勢有盡筆意勢忽判二老潁寒肩雜
沓不容緩翠鮮摹古文剝蝕如鼎篆畫以結社盟青：無改換

立節貴如此卓爾昭雲漢

嘉靖乙未孟夏月

長洲文徵明

畫并題

徵明

文衡山小楷古詩十九首冊

紙本五開半十一頁、高四寸八分闊三寸八分烏絲方格
九行、十五字筆意鬆秀圓轉空靈每首下有徵明小印暨
墨林印每頁上有子京師昌印冊首有長為農夫也園諸研
穎鑒賞章文鼎四印第二開有辛穀經眼印款後有桃里項
元汴印墨林秘玩項子京家珍藏項廷模五印僅存半印者
不記後款

嘉靖三十六年歲在丁巳六月既望書徵明時年八十有八

另紙蠅頭小楷書陶詩人生歸有道種豆南山下少無適俗
韻野外罕人事四首計二頁每頁高三寸九分闊三寸八分
十一行、十二三字不等無款結構謹嚴筆、精到每頁上
有徵明一印又有子京墨林山人游方之外神品墨林項元

汴精玩書畫之印項廷模印師昌文鼎之印共十三印半印
三題在另紙

翰林待詔文徵明衡山先生小楷古詩十九首細楷陶五柳
詩二帝墨林項元汴裝襲珍賞求書潤筆禮金肆兩 顰

項元汴印 父子京 昌師 模是

衡山先生小楷如春在百花妍麗奪目又如月挂孤松清朗
透骨令人披覽終日忘倦 丁巳中秋日黃葉庵沙門智脰

題 智脰之印

此卷古詩十九首淵明田園詩四首先生為秀州墨林翁書
於嘉靖三十六年丁巳余於是年始生距今萬厯四十五年
丁巳余年六十有一墨翁孫師昌博雅好古綽有祖父風者
余是年春得范氏天枝庵居焉因以所居易名黃葉師昌過
我出此卷相示得觀于新筠嫩綠之下復請留案頭日夕細
閱覺先生精爽之氣隱隱出烟翠間余於是卷亦自有緣
至日黃葉庵老衲輩如再筆之 智脰黃葉庵主

文衡山小楷離騷九歌冊

紙本烏絲方格頁高五寸四分闊二寸六分離騷十開共二十頁第一頁六行餘皆七行行十六字缺末四十三句二百八十二字前頁押角有停雲二字印又句吳顧仲氏玄言監定印九歌六開半零三行共十四頁行字數全前缺東皇太一雲中君二首湘君褰芙蓉子以上缺筆法與書文騷同字大小六類末題款

屈子離騷詞賦之祖膾炙人口至於九歌猶為千古絕唱嘉靖

庚戌三月八日徵明書一過時年八十有一

文徵明印

衡山翁楷書出自黃庭陰符精妙絕倫近代書家罕見其傳此卷小楷離騷九歌乃其晚年所書筆法遒勁神效奕然故縱橫轉摺無不如意安知百世之後脫字與寶晉名帖並馳苑園耶烟霞山人陸梁題

明跋

按後跋原當是一長卷不知何時中間損失遂改裝為冊故徑缺其末而九歌缺其首焉

文衡山小楷唐人律絕詩冊

紙本頁高四寸四分濶二寸五分計六冊

第一冊十三開二十六頁：十行行十六字首行唐詩選二

行空三行五言律詩下角有傳雲印又江山靈貺語鈴祕笈
印詩自王勃別薛華以下六首喬知之一首陳子昂十四首

杜審言八首沈佺期六首楊炯五首盧照鄰六首駱賓王六
首蘇味道十首共六十二首

第二冊十五開三十頁行字數同六五律宋之問十六首李
矯一首蘇頌一首張說二首張九齡一首薛稷一首趙彥昭

二首李乂一首崔湜三首韋元旦一首王翰一首孫逖四首
元宗四首李白十四首孟浩然十八首王維一首共七十一

首
第三冊二十開四十頁五律第一頁上角有傳雲二字小印

王維十二首岑參十首高適七首杜甫十二首王灣一首崔
顥二首祖詠四首儲光羲三首綦毋潛一首王昌齡一首張

渭一首常建二首劉長卿七首錢起二首韋應物五首郎士
元二首皇甫冉二首皇甫曾二首司空曙一首李端一首耿

璋一首李嘉祐一首竇綽向一首韓翃二首戎昱一首戴叔
倫一首劉禹錫一首張籍一首張祜一首共八十八首末開

有覺羅崇恩止談風月二印

第四冊目錄一開詩十九開共四十頁首行唐詩選二行空

三行七言律詩下角有衡山印目錄上有覺羅崇恩審定印
未開有兩舫小印按目錄自杜審言至許渾三十人共詩六

十八首

第五冊十七開三十四頁行字數全上五言絕句詩自王適

江濱梅至薛濤春望詞止四十一人共詩九十八首按此冊
疑缺首一二頁並目錄

第六冊十五開三十頁首行唐詩選三行七言絕句下角有
玉牒崇恩結翰墨緣訂金石契識真賞佳永存珍秘二印自

王勃蜀中九日至無名氏無題止四十一人共詩八十七首
末題

嘉靖丙戌季冬傳雲館錄 徵

此冊為崇兩舫中丞所藏為人竊出余始得二冊嗣三次復
得四冊五七言律絕詩似已全惟五絕上疑缺首一二頁在
當時隨意鈔錄無意求工而前後一律筆意鬆活數百年後
散佚復合誠足強也丙戌先生五十有七在先生猶中年耳

文衡山小楷金谷園記冊

絹本四開計八頁高七寸六分闊二寸二分頁五行廿二字有烏絲直行剝蝕稍重筆意猶存

金谷園記

嘉靖丁未九月重陽日雁門文徵明書

文徵明印

首兩前章豁先生蠅頭小楷二行題絕精末兩後石庵先生小楷三行跋古厚有致

昨見阮芸臺侍郎所藏畫錦記小楷冊子正與此相類自喜審定細書之功不差銖黍也 嘉慶四年歲在己未冬十月

廿有二日試新安方氏菊香膏墨北平翁方綱 方綱 弇州自言年少時意薄文徵仲老乃悔之弇州危言詆譏廬

陵略無難色於徵仲何有晚乃皈依坡公盡弃前說宜於徵仲致許可耳徵仲詩與書未嘗自矜格韻然守繩墨戒翫散足以自壽此記非偽迄藏者寶之 己未九月石庵識 璫 庵

文衡山精楷金剛經冊

紙本九開十八頁：高五寸七分濶二寸四分十一行行字
不等有烏絲界筆畫細若牛毛寫經精品頁後有滌餘硯齋
主人守廉鑑定圖書印又德昌二印未題

金剛般若波羅蜜經

嘉靖壬午春三月既望雁門文壁敬書

壁文

古來名家多愛寫佛經道經鮮有寫聖經者黃石齋先生在
獄中每日寫孝經一通江南拙老人寫十三經余曾見張文
敏書四子書全部它無所聞也然此風實始自晉唐如右軍
黃庭道德佛遺教經登善靈寶度人誠懸護命清靜為千古
名蹟所以松雪香光楷書傳世類多經典而余所藏衡山先
生金剛經二種外又有傳青主金剛經張文敏翁章溪頤南
雅名種金剛經豈以藏之名山惟經卷人知珍重抑真寫經
一通有無量功德耶

文衡山小楷金剛經冊

紙本十六開每高四寸八分濶五寸二分烏絲方格二十行
行二十字首頁押角有徵明印款在後

嘉靖丁巳七月既望長洲文徵明林香敬書

文徵明印 徵仲

此冊先生八十八歲書筆力道勁精工乃希世之珍也古
詩十九首一冊亦是年書先此一月虛和婉妙率意處微見
老態蓋應酬之作或不甚經意此則敬謹所書故特精到不
苟耳

文衡山小楷西廂記冊

瓶麓齋舊藏

紙本十二開計廿四頁頁高八寸九分濶八寸烏絲方格每
行四十字每頁上有停雲徵明二印第一頁佛殿奇逢十九
行二頁禪房假寓十七行三頁紅青張生十三行四頁牆角
聯吟八行五頁月下焚香十四行六頁齋壇鬧會十六行七
頁白馬解圍十八行八頁惠明寄簡十七行九頁紅娘清宴
廿二行十頁夫人停婚廿一行十一頁鶯鶯聽琴二十行十
二頁尺素絨愁廿三行十三頁鄭恒求配十五行十四頁錦
字傳情廿五行十五頁妝臺窺簡二十行十六頁乘夜踰牆

廿一行十七頁倩紅問病十八行十八頁月下佳期廿六行
十九頁堂前巧辯十九行二十頁長亭送別十七行廿一頁
鞍馬秋風十二行廿二頁草橋驚夢廿一行廿三頁捷報及
第二十行廿四頁衣錦還鄉廿七行款在末二行

嘉靖丁巳四月上浣雁門文徵明書於停雲館之東廡 徵明

衡山居士

西廂記向見明初刻本前有陳居中所繪漢文像豐肥端重
不類文君一流人自金聖嘆大加刪潤遂無見之者此冊所
錄与明初本正同可寶也至其字畫之妙盖有目共見不贅
辭矣 黃鉞跋似聽泉會長正之嘉慶辛酉仲春 晴軒

明成化中長安某谷大水流出墓碣一方載鶯鶯才德兼備
與鄭恒合墓事見顧甯人金石文字記惜架上無此書不能
詳矣附識於此為天下豔讀西廂記者下一棒唱黃鉞又記

四左

道光八年九月長洲吳錦借觀於武昌廬齋時年五十
按嘉靖丁巳太史年已八十有八矣以耄耄老人而蠅頭細

書精嚴若此非學力功深烏能有是玩其波撇全用古人撰燈之法係撮筆縣辭而書且結構鎮密寬綽有餘脫盡東坡所謂小字患弱促之病更出入規矩觸手成法飄飄入勝真晚年傑作也可不寶諸 賜硯堂主人識 怡靜 圖書

曩于京師見鄭恒崔夫人合祔誌舊拓本後有亭林諸先生跋語曾錄于所藏本後附記于此以資談助

此即今世所傳崔鶯者也年七十六有女一人子六人與鄭合葬此銘出魏縣土中足辨會真記之誣而志墓之功於

是為不細矣閱達攝提格東吳顧炎武書付族子湄會真記言崔已委身於人諱其姓名金元人董解元王實甫

等為西廂記本始妄撰鄭恒其人而此誌明季出之內黃土中既有鄭恒復配崔氏于是傳會西廂記之鄭恒真有其人

此与前人傳會張生為張籍者同可笑也崔張之會合在貞元十六年明年文戰不利是十七年張籍以貞元十五年登

科是先二年非籍可知顧亭林跋此志曰此即今世所傳崔鶯足辨會真記之誣亦夢中說夢也 石公張塤

明關西胡侍野談云近內黃野中掘得鄭恒墓志乃給事郎秦貫撰其叙恒妻則博陵崔氏世遂以崔為鶯余按會真

記雖謂鶯：委身于人而不著名氏鄭恒之名特見於西廂傳奇蓋烏有之詞也世以墓志之名偶與烏有之詞合而鄭恒之配又偶與鶯：之氏同遂以墓志之崔為鶯：誤也況會真記止云崔氏孀婦將歸長安不言博陵又無緣葬在內黃且墓志之崔以大中九年正月十七日病終享年七十有六邇其生當在德宗建中元年庚申若鶯：之生會真記以為甲子歲乃興元元年少庚申四歲墓志屬繼之期蓋得於鄭氏家狀會真記設悅之歲蓋得于鶯母自言並不應少悞鄭氏之配殆別一崔氏也按顧亭林亦以是碑為鶯：蓋亭林未見胡氏墅談尔亭林金石文字記又以大中十二年二月誤作十二月斯又記載之偶失也甲辰二月十七日方綱書

文衡山行書滕王閣記冊

紙本十一開半廿三頁：高七寸八分濶三寸八分三行：八九字不等昌黎文不錄款在尾

嘉靖丙辰二月既望余時病間臂尚怯弱且中書君亦不中書

字法殊不工可笑徵明年八十有七矣

文徵明印

衡山

此冊三十年前得于閩中南方天氣鬱濕易于蠹蝕故精神已損然的為真迹余蓄先生小楷最多遂寸行楷只此一冊而已

文衡山詩畫冊

瓶麓齋舊藏

絹本對幅題詩帝本十開頁高六寸三分闊五寸四分山水青綠設色詩行州書

第一開遠山如黛樹影參差而崖間架小石橋一人緩步其上綠陰交加飛泉下瀉坡上茅亭面山臨水右角下徵明印
夕陽西下晚山青秋水微茫帶遠汀欲識江南奇絕處杖藜還

上倚江亭

徵明

徵明

衡山

第二開巖崖巉絕飛瀑層流坡上雙松枯藤直挂對面一叟在老樹下跌坐聽泉右角下徵仲印

古緣萃錄

勻三

三十

澄蘭室

古藤十丈落清陰
風激飛泉玉噴人
只合空山吟眺去
不知城

市有紅塵 徵明

第三開層巖
簞翠飛瀑中
懸綠樹陰濃
中藏古寺清
泉激石
細徑侵雲一人于坡上獨步左角下徵仲印

烟中細路緣蒼壑
樹杪春雲帶玉泉
老我平生釣游處
楞伽西

下石湖邊 徵明

第四開溪山平遠
林樹縱橫坡上茅亭巍然
高峙石橋上一
人緩步一童携琴相隨右角衡山印

茅簷灌莽落清陰
僮子相將七尺琴
亭下江山堪自寄
底須城

市覓知音 徵明

第五開山嵐浮遠
烟樹迷空一人持蓋過橋
溪上人家茆舍
竹籬居然村落右角下傳雲印

春山突兀野橋橫萬木蕭、雜澗聲獨蓋只憐泥滑、不知身
在畫中行 徵明

第六開溪山環抱林木清蔥一舟臨波數椽面水右角下文
仲子印

蒲芽抽水綠針齊映樹蘭舟晚更移一縷茶烟衝宿鷺無人知
是陸天隨 徵明

第七開層岩直瀟羣木爭榮飛瀑千尋倒峽而下二人隔澗
對坐一人扶杖過橋左角下衡山印

林影山光照暮春飛花點水玉粼、焉知嘯詠臨流者不是羲
之輩行人

第八開峭壁陡絕飛瀑直下老樹倒垂清溪空曠一叟臨流
獨坐一童後侍右角下衡山印

石壁巖、翠埽烟古藤依約帶飛泉置身如在匡廬下一派銀

河落九天 徵明

第九開茅堂軒敞竹籬周圍擔角紫薇與綠樹相映堂上一
叟坐榻觀書童子旁侍左角下文仲子印

牆角紫薇花正繁白頭已辟舊郎官林塘相對依然好何必絲

綸閣下看 徵明

第十開雪漫萬壑嶺秀孤松茅結山坳橋橫澗上一人扶筇
度橋朱衣一襲與翠竹萬竿掩映于衆木蕭條之內寫雪景
致為清絕右角下衡山印

鳥絕雲埋萬木空行、雪途見孤松未誇鄭谷漁蓑好儘有閒

情付短筇 甲辰九月徵明并詩 印并同

此冊設色用筆厚而弥韵老而益秀每幅自題絕句雋味無窮當是先生得意之筆玩牆角紫薇一幀如觀林泉小景吾欲以諸香花供養之丙辰十二月四日振甫楊慶麟識于宣南寓廬之如瓶室

文衡山夏日山居圖軸

紙本水墨高二尺八寸八分闊八寸三分千巖萬壑綠樹陰濃高閣依山層軒面水二人於林間對坐山頂飛泉百道曲徑千尋峯外蘭若微露樓閣此外惟有遠山層疊矗立天表筆墨細膩氣息靜穆紙上為蜂所齧神采略遜實為衡山先生精能之品題在左角上小楷

碧樹鳴風澗草香綠陰滿地話偏長長安車馬塵吹面誰識空

山五月涼

徵明

徵明

文衡山絕壑鳴琴圖軸

古緣萃錄

卷三

三

澄蘭室

紙本設色高三尺三寸闊一尺二分奇峯怪石絕壁危崖老樹長松凌波夾澗飛泉一道自峰頂曲折奔騰直瀉澗底坡上林蔭之下二人對坐撫琴細草鋪茵奔湍激石覺山光樹色襲人衣袂紙色完好畫筆工細在先生畫中固是極精無上之品世傳粗文細沈皆罕見之作最為寶貴余謂石田翁以大筆揮灑勝先生以組織細密勝各擅其長有一無二不必定以罕見為珍也右角下有衡山印左角上款下有小張孀福地岳崧之印二印

絕壑鳴琴

嘉靖十六年丁酉仲夏徵明寫

徵明

文衡山碧梧高館圖軸

紙本水墨粗筆高四尺九寸三分闊二尺一寸二分巨石撐遠嵐烟繞碧梧一株高入雲際臨溪屋榭數椽圖書插架樹影雲光遠近圍護中無一人左角有停雲印右角下有教忠堂藏衣園審定子孫寶之三印題在右上方

碧梧高館卜間居中有幽人好讀書四海雍熙塵市遠風聲雨

耳頰心虛

嘉靖辛丑秋日畫

徵明

衡

長沙已亥

嘉慶辛丑年

正月

初

1575-467

